

御定全唐詩錄

土岐文庫
文庫17
W65
21



上海圖書館藏
民國十七年五月
印

010185189371

文庫 17
W 65
21



御定全唐詩錄卷第六十一

禮部侍郎臣徐倬翰林院侍讀學士臣徐元正奉

旨校刊

白居易四

古體詩四

孟夏思渭村舊居寄舍弟

嘖嘖雀引雛稍稍笋成竹時物感人情思我故鄉曲故
園渭水上十載事樵牧手種榆柳成陰陰覆墻屋免隱
豆苗肥鳥鳴桑椹熟前年當此時與爾同遊矚詩書課
弟姪農圃資童僕日暮麥登場天晴蠶拆簇弄泉南澗
坐待月東亭宿興發飲數杯悶來棋一局一朝忽分散

全唐詩錄卷第六十一

白居易



萬里仍羈束井鮒思反泉籠鶯悔出谷九江地卑溼四
月天炎燠苦雨初入梅瘴雲稍含毒泥秧水畦稻灰種
畚田粟已訝殊歲時仍嗟異風俗閒登郡樓望日落江
山綠歸雁拂鄉心平湖斷人目如我方漂泊舊里君幽
獨何時同一瓢飲水心亦足

感情

中庭曬服玩忽見故鄉履昔贈我者誰東隣嬋娟子因
思贈時語特用結終始永願如履綦雙行復雙止自吾
謫江郡漂蕩三千里為感長情人提攜同到此今朝一
惆悵反覆看未已人隻履猶雙何曾得相似可嗟復可
惜錦表繡為裏况經梅雨來色黯花草死

早秋晚望兼呈韋侍郎

九派繞孤城城高生遠思人煙半在船野水多於地穿
霞日脚直驅雁風頭利去國來幾時江上秋三至夫君
亦淪落此地同漂寄憫然向隅心摧頽觸籠翅且謀眼
前計莫問胸中事潯陽酒甚濃相勸時時醉

夢與李七庾三十三同訪元九

夜夢歸長安見我故親友損之在我左順之在我右云
是二月天春風出攜手同過靖安里下馬尋元九元九
正獨坐見我笑開口還指西院花仍開北亭酒如言各
有故似惜歡難久神合俄頃間神離欠伸後覺來疑在
側求索無所有殘燈影閃牆斜月光穿牖天明西北望

萬里君知否老去無見期踟躕搔白首

過昭君村

邨在歸州東北四十里

靈珠產無種彩雲出無根亦如彼姝子生此遐陋村至
麗物難掩遽選入君門獨美衆所嫉終棄如塞垣惟此
希代色豈無一顧恩事排勢須去不得由至尊白黑既
可變丹青何足論竟埋代北骨不返巴東魂慄淡晚雲
水依稀舊鄉園妍姿化已久但有邨名存村中有遺老
指點爲我言不取徃者戒恐貽來者冤至今邨女面燒
灼成癍痕

初到忠州登東樓寄萬州楊八使君

山東邑居窄峽牽氣候偏林巒少平地霧雨多陰天隱

隱煮鹽火漠漠燒畚煙賴此東樓夕風月得翛然憑軒
望所思目斷心涓涓背春有去雁上水無來船我懷巴
東守乃是關西賢平生已不淺流落重相怜水梗漂萬
里籠禽囚五年新恩同雨露遠郡隣山川書信雖徃復
封疆徒接連其如美人面欲見杳無緣

西樓夜

悄悄復悄悄城隅隱林杪山郭燈火稀峽天星漢少年
光東流水生計南枝鳥月沒光沉沉西樓殊未曉

東樓曉

脉脉復脉脉東樓無宿客城闌雲霧多峽深田地窄宵
燈尚留焰晨禽初展翮欲知山高低不見東方白

寄王質夫

憶始識君時愛君世緣薄我亦吏王畿不為名利着春
尋仙遊洞秋上雲居閣樓觀水潺潺龍潭花漠漠吟詩
石上坐引酒泉邊酌因話出處心心期老巖壑忽從風
雨別遂被簪纓縛君作出山雲我為入籠鶴籠深鶴惟
悴山遠雲飄泊去處雖不同同負平生約今來各何在
老去隨所託我守巴南城君佐征西幕年顏漸衰颯生
計仍蕭索方舍去國愁且羨從軍樂舊遊疑是夢往事
思如昨相憶春又深故山花正落

南賓郡齋即事寄楊萬州

山上巴子城山下巴江水中窮獨人強名為刺史時

時竊自笑刺史豈如是倉粟餒家人黃縑裹妻子

忠州刺史巴下

悉以畚田粟給
祿食黃絹支俸

莓苔翳冠帶霧雨霾樓雉衙鼓暮復朝郡齋

卧還起回首望南浦亦在煙波裏而我復何嗟夫君猶
滯此

招蕭處士

峽內豈無人所逢非所思門前亦有客相對不相知仰
望但雲樹俯顧惟妻兒寢食起居外端然無所為東郊
蕭處士聊可與開眉能飲滿杯酒善吟長句詩庭前吏
散後江畔路乾時請君攜竹杖一赴郡齋期

庭槐

南方饒竹樹惟有青槐稀十種七八死縱活亦支離何

此郡庭下一株獨華滋蒙蒙碧煙葉嫋嫋黃花枝我家
渭水上此樹蔭前墀忽向天涯見憶在故園時人生有
情感遇物牽所思樹木猶復爾况見舊親知

東樓竹

瀟灑城東樓遶樓多修竹森然一萬竿白粉封青玉捲
簾睡初覺欹枕看未足影轉色入樓牀席生浮綠空城
絕賓客向夕彌幽獨樓上夜不歸此君留我宿

東城尋春

老色日上面歡情日去心今既不如昔後當不如今今
猶未甚哀每事力可任花時仍愛出酒後尚能吟但恐
如此興亦隨日消沉東城春欲老勉強一來尋

花下對酒

藹藹江氣春南賓閏正月梅櫻與桃杏次第城上發紅
房爛簇火素艷粉圍雪香惜委風飄愁牽壓枝折樓中
老太守頭上新白髮冷淡病心情暄和好時節故園音
信斷遠郡親賓絕欲問花前樽依然爲誰設

引手攀紅櫻紅櫻落似霰仰首看白日白日委如箭年
芳與時景頃刻猶哀變况是血肉身安能長強健人心
苦迷執慕貴憂貧賤愁色常在眉歡容不上面况吾頭
半白把鏡非不見何必花下杯更待他人勸

東坡種花

持錢買花樹城東坡上栽但構有花者不限桃杏梅百

果參雜種子枝次第開天時有早晚地力無高低紅者
霞艷艷白者雪皚皚遊蜂逐不去好鳥亦栖來前有長
流水下有小平臺時拂臺上石一舉風前杯花枝蔭我
頭花蕊落我懷獨酌復獨詠不覺月平西巴俗不愛花
竟春無人來惟此醉太守盡日不能迴

東坡春向暮樹木今何如漠漠花落盡翳翳葉生初每
日領童僕荷鋤仍決渠剗土壅其本引泉溉其枯小樹
低數尺大樹長丈餘封植未幾時高下齊扶疎養樹既
如此養民亦何殊將欲茂枝葉必先救根株云何救根
株勸農均賦租云何茂枝葉省事寬刑書移此為郡政
庶幾毗俗蘇

步東坡

朝上東坡步夕上東坡步東坡何所愛愛此新成樹種
植當歲初滋榮及春暮信意取次栽無行亦無數綠陰
斜景轉芳氣微風度新葉鳥下來萎花蝶飛去閒攜斑
竹杖徐曳黃麻屨欲識往來頻青苔成白路

竹窓

常愛輞川寺竹窓東北廊一別十餘載見竹未曾忘今
春二月初卜居在新昌未暇作廡庫且先營一堂開牕
不糊紙種竹不依行意取北簷下窓與竹相當遠屋聲
浙浙逼人色蒼蒼煙通杳靄氣月透玲瓏光是時三伏
天天氣熱如湯獨此竹窓下朝迴解衣裳輕紗一幅巾

小簾六尺牀無客盡日靜有風終夜涼乃知前古人言
事頗諳詳清風北窓卧可以傲羲皇

曲江感秋 并序

元和二年三年四年予每歲有曲江感秋詩凡
三篇編在第七集卷是時予為左拾遺翰林學
士無何貶江州司馬忠州刺史前年遷主客郎
中知制誥未周歲授中書舍人今遊曲江又值
秋日風物不改人事屢變况予中否後遇昔壯
今哀慨然感懷復有此作噫人生多故不知明
年秋又何許也時二年七月十日云耳

元和二年秋我年三十七長慶二年秋我年五十一中

間十四年六年居譴黜窮通與榮悴委運隨外物遂師
廬山遠重弔湘江屈夜聽竹枝愁秋看灑堆沒近辭巴
郡印又秉綸闈筆晚遇何足言白髮映朱紱消沉昔意
氣改換舊容質獨有曲江秋風煙如往日

疎蕪南岬草蕭颯西風樹秋到未幾時蟬聲又無數莎
平綠茸合蓮落青房露今日臨望時往年感秋處池中
水依舊城上山如故獨我髻間毛昔黑今垂素榮名與
壯齒相避如朝暮時命始欲來年顏已先去當春不歡
樂臨老徒驚悞故作詠懷詩題於曲江路

客中月

客從江南來時月上弦悠悠行旅中三見清光圓曉

隨殘月行夕與新月宿誰謂月無情千里遠相逐朝發
渭水橋暮入長安陌不知今夜月又作誰家客

和錢貞外早冬翫禁中新菊

禁署寒氣遲孟冬菊初拆新黃間繁綠爛若金照碧仙
郎小隱日心侶陶彭澤秋憐潭上看日慣籬邊摘今來
此地賞野意潛自適金馬門內花玉山峰下客寒芳引
清句吟玩煙景夕賜酒色偏宜握蘭香不敵淒淒百卉
死歲晚冰霜積惟有此花開殷勤助君惜

錢嘗居藍田山下故云

和夢遊春詩一百韻

并序

微之既到江陵又以夢遊春詩七十韻寄予且
題其序曰斯言也不可使不知吾者知吾者

亦不可使不知樂天知吾者吾不敢不使吾子
知予辱斯言三復其旨大抵悔既往而悟將來
也然予以爲苟不悔不悟則已若悔於此則宜
悟於彼也反於彼而悟於妄則宜歸於真也况
與足下外服儒風內宗梵行者有日矣而今而
後非覺路之返也非空門之歸也將安返乎將
安歸乎今所和者其章旨卒歸於此夫感不甚
則悔不熟感不至則悟不深故廣足下七十韻
爲一百韻重爲足下陳夢遊之中所以甚感者
敘婚仕之際所以至感者欲使曲盡其妄周知
其非然後返乎真歸乎實亦猶法華經序火宅

偈化城維摩經入姪舍過酒肆之義也微之微
之予斯文也猶不可使不知吾者知幸藏之云

爾

昔君夢遊春夢遊仙山曲恍若有所遇似愜平生欲因
尋菖蒲水漸入桃花谷到一紅樓家愛之看不足池流
渡清灘草嫩蹋綠葦門柳闇全低簷櫻紅半熟轉行深
深院過盡重重屋烏龍卧不驚青鳥飛相逐漸聞玉珮
響始辨珠履躅遙見窓下人娉婷十五六霞光抱明月
蓮艷開初旭縹緲雲雨仙氛氳蘭麝馥風流薄梳洗時
世寬妝束袖軟異文綾裾輕單絲縠裙腰銀線壓梳掌
金筐感帶纈紫蒲萄袴花紅石竹凝情都未語付意微

相矚眉斂遠山青鬟低片雲綠帳牽翡翠帶被解鴛鴦
襪秀色似堪食穠華如可掬半卷錦頭席斜鋪繡腰褥
朱唇素指勻粉汗紅綿撲心驚睡易覺夢斷魂難續籠
委獨棲禽劍分連理木存誠期有感誓志貞無黷京洛
八九春未曾花裏宿壯年徒自棄佳會應無復鸞歌不
重聞鳳兆從茲卜韋門女清貴裴氏甥賢淑羅扇夾花
燈金鞍攢繡轂既傾南國貌遂坦東床腹劉阮心漸忘
潘楊意方睦新修履信第初食尚書祿九醞備聖賢八
珍窮水陸秦家重蕭史彥輔憐衛叔朝饌饋獨盤夜醪
傾百斛親賓盛輝赫妓樂紛熠煜宿醉纔解醒朝歡俄
枕麴飲過君子爭令甚將軍酷醕酌歌鷓鴣顛狂舞鴟

鶴月流春夜短日下秋天速謝傳隙過駒蕭娘風送燭
全凋薜花折半死梧桐禿闇鏡對孤鸞哀絃留寡鵠淒
淒隔幽顯冉冉移寒燠萬事此時休百身何處贖提攜
小兒女將領舊姻族再入朱門行一傍青樓哭櫪空無
廐馬水涸失池鶯搖落廢井梧荒涼故籬菊莓苔上几
閣塵土生琴筑舞榭綴蠅蛸歌梁聚蝙蝠嫁分紅粉妾
賣散蒼頭僕門客思徬徨家人泣伊噢心期正蕭索宦
序仍拘跼懷策入嶠函驅車辭郊鄔逢時念既濟聚學
思大畜端詳筮仕著磨拭穿楊鏃始從讐校職首中賢
良目一拔侍瑤墀再升紆繡服誓酬君王寵願使朝廷
肅密勿奏封章清明操憲牘鷹韝中病下多角當邪觸

紕謬盡東周申寃動南蜀危言詆闇寺直氣忤鈞軸不
忍曲作鈞乍能折爲玉捫心無愧畏騰口有誦讎只要
明是非何曾虞禍福車摧太行路劍落豐城獄襄漢問
修途荆蠻指殊俗謫爲江府掾遣事荊州牧趨走謁麾
幢喧煩視鞭朴簿書常自領縲囚每親鞫竟日坐官曹
經旬曠休沐宅荒渚宮草馬瘦畬田粟薄俸等涓毫微
官同桎梏月中照形影天際辭骨肉鶴病翅羽垂獸窮
爪牙縮行看鬚間白誰勸杯中綠時傷大野麟命問長
沙鵬夏梅山雨漬秋瘴海雲毒巴水白茫茫楚山青簇
簇吟君七十韻是我心所蓄既去誠莫追將來幸前勗
欲除憂惱病當取禪經讀須悟事皆空無令念將屬請

思遊春夢此夢何閃倏艷色即空花浮生乃焦穀良姻
在佳偶頃刻為單獨入仕欲榮身須臾成黜辱合者離
之始樂兮憂所伏愁恨僧祇長歡樂刹那促覺悟因傍
喻迷執由當局膏明誘闇蛾陽焱以贍切奔癡廉貪為苦聚
落愛是悲林麓水蕩無明波輪迴死生輻塵應甘露灑
垢待醍醐浴障要智燈燒魔須慧刀戮外熏性易染內
戰心難斂法句與心王期君日三復微之常以法句及心王頭陀
經相示故申言以卒其志也

雙石

蒼然兩片石厥狀恠且醜俗用無所堪時人嫌不取結
從胚渾始得自洞庭口萬古遺水濱一朝入吾手擔舁
來郡內洗刷去泥垢孔黑煙痕深罅青苔色厚老蛟蟠

作足古劍插為首忽疑天上落不似人間有一可支吾
琴一可貯吾酒峭絕高數尺坳泓容一斗五絃倚其左
一杯置其右窪樽酌未空玉山頽已久人皆有所好物
各求其偶漸恐少年場不容垂白叟迴頭問雙石能伴
老夫否石雖不能言許我為三友

宿東亭曉興

溫溫土鑪火耿耿紗籠燭獨抱一張琴夜入東齋宿窓
聲度殘漏簾影浮初旭頭癢曉梳多眼昏春睡足負暄
簷宇下散步池塘曲南雁去未迴東風來何速雪依瓦
溝白草遶墻根綠何言萬戶州太守常幽獨

秋池

身閒無所爲心閒無所思况當故園夜復此新秋池岼
閣鳥棲後橋明月出時菱風香散漫桂露光參差靜境
多獨得幽懷竟誰知悠然心中語自問來何遲
朝衣薄且健晚簟清仍滑社近燕影稀雨餘蟬聲歇閒
中得詩境此境幽難說露荷珠自傾風竹玉相憂誰能
一同宿共翫新秋月暑退涼早歸池邊好時節

偶作

日出起盥櫛振衣入道場寂然無他念但對一爐香日
高始就食食亦非膏粱精粗隨所有亦足飽充腸日午
脫巾簪燕息窓下牀清風颯然至卧可致羲皇日西引
杖屨散步遊林塘或飲茶一盞或吟詩一章日入多不

食有時惟命觴何以送閒夜一曲秋霓裳一日分五時
作息率有常自喜老後健不嫌閒中忙是非一以貫身
世交相忘若問此何許此是無何鄉

聞崔十八宿於新昌弊宅時予亦宿崔家依仁新
亭一宵偶同兩興暗合因而成咏聊以寫懷

陋巷掩弊廬高居敞華屋新昌七株松依仁萬莖竹松
前月臺白竹下風池綠君向我齋眠我在君亭宿平生
有微尚彼此多幽獨何必求主人兩心聊自足

慵不能

架上非無書眼慵不能看匣中亦有琴手慵不能彈腰
慵不能帶頭慵不能冠午後恣情寢午時隨意餐一餐

終日飽一寢至夜安饑寒亦間事况乃不饑寒

詠興五首

并序

七年四月予罷河南府歸履道第廬舍自給衣
儲自充無欲無營或歌或舞頽然自適蓋河洛
間一幸人也遇興發詠偶成五章各以首句命
為題目

解印出公府

解印出公府抖擻塵土衣百吏放爾散雙鶴隨我歸歸
來履道宅下馬入柴扉馬嘶返舊櫪鶴舞還故池雞犬
何忻忻隣里亦依依年顏老去日生計勝前時有帛禦
冬寒有穀防歲饑飽於東方朔樂於榮啓期人生且如

此此外吾不知

出府歸吾廬

出府歸吾廬靜然安且逸更無客干謁時有僧問疾家
僮十餘人櫪馬三四匹慵發經旬卧興來連日出出遊
愛何處嵩碧伊瑟瑟况有清和天正當疎散日身閒自
為貴何必居榮秩心足即非貧豈惟金滿室吾觀權勢
者苦以身徇物炙手外炎炎履冰中慄慄朝饑口忘味
夕惕心憂失但有富貴名而無富貴實

池上有小舟

池上有小舟舟中有胡牀牀前有新酒獨酌還獨嘗熏
若春日氣皎如秋水光可洗機巧心可蕩塵垢腸岍曲

舟行遲一曲進一觴未知幾曲醉醉入無何鄉
魚緣潭島間水竹深青蒼身閒心無事白日爲我長
我若未忘世雖閒心亦忙世若未忘我雖退身難藏
我今異於是身世交相忘

四月池水滿

四月池水滿龜遊魚躍出吾亦愛吾池池邊開一室
人魚雖異族其樂歸於一且與爾爲徒逍遙同過日
爾無羨滄海蒲藻可委質吾亦忘青雲衡茅足容膝
况吾與爾輩本非蛟龍匹假如雲雨來祇是池中物

小庭亦有月

小庭亦有月小院亦有花可憐好風景不解嫌貧家
菱

角執笙簧谷兒抹琵琶紅綃信手舞紫綃隨意歌
村歌與社舞客哂主人誇但問樂不樂豈在鐘鼓多
客告暮將歸主稱日未斜請客稍深酌願見朱顏酡
客知主意厚分數隨後加堂上燭未秉座中冠已栽
左顧短紅袖右命小青娥長跪謝貴客蓬門勞見過
客散有餘興醉卧獨吟哦幕天而席地誰奈劉伶何

秋涼閒卧

殘暑晝猶長早涼秋尚嫩露荷散清香風竹含疎韻
幽閒竟日卧衰病無人問薄暮宅門前槐花深一寸

山遊示小妓

雙鬟垂未合三十纔過半本是綺羅人今爲山水伴
春

泉共揮弄好樹同攀翫笑容花底迷酒思風前亂紅凝
舞袖急黛慘歌聲緩莫唱楊柳枝無腸與君斷

裴侍中晉公以集賢林亭即事詩二十六韻見贈

猥蒙徵和才拙詞繁輒廣為五百言以申酬獻

三江路千里五湖天一涯何如集賢地中有平津池池
勝主見覺景新人未知竹森翠琅玕水深洞琉璃水竹
以為質質立而文隨文之者何人公來親指麾疎鑿出
人意結構得地宜靈襟一搜索勝槩無遁遺因下漲沼
泚依高築堦基嵩峰見數片伊水分一支南溪修且直
長波碧透迤北館壯復麗倒影紅參差東島號晨光泉
曜迎朝曦西嶺召夕陽香暖留落暉前有水心亭動蕩

架漣漪後有開闔堂寒溫變天時幽泉鏡泓澄惟石山
欹危春葩雪漠漠夏果珠離離主人命方舟宛在水中
坻親賓次第至酒樂前後施解纜始登汎山遊仍水嬉
泂洄無滯礙向背窮幽奇瞥過遠橋下飄旋深澗陞管
絃去縹緲羅綺來霏微棹風逐舞迴梁塵隨歌飛宴餘
日云暮醉客未放歸高聲索彩牋大笑催金卮唱和筆
走疾問答杯行遲一詠清兩耳一酣暢四肢主客忘貴
賤不知俱是誰客有詩魔者吟哦不知疲乞公殘紙墨
一掃狂歌詞維云社稷臣赫赫文武姿十授丞相印五
建大將旗四朝致勛華一身冠臯夔去年才七十決赴
懸車期公志不可奪君恩亦難希從容就中道俛僮來

保釐貂蟬雖未脫鸞鳳已不羈歷徵今與古獨步無等
夷陸賈功業少二疏官秩卑乘舟范蠡懼辟穀留侯饑
豈若公今日身安家國肥羊祜在漢南空留峴首碑柳
暉在江南祗賦汀洲詩謝安入東山但說攜蛾眉山簡
醉高陽唯聞倒接羅豈如公今日餘力兼有之願公壽
如山安樂長在茲願我比蒲稗永得相因依

晚歸香山寺因詠所懷

我年日已老我身日已閒閒出都門望但見水與山闕
塞碧巖巖伊流清潺潺中有古精舍軒戶無扃關岍草
歇可藉逕蘿行可攀朝隨浮雲出夕與飛鳥還我道本
迂拙世途多險艱嘗聞嵇呂輩尤悔生疎頑巢悟入箕

頽皓知返商巔豈惟樂肥遁聊復祛憂患吾亦從此去
終老伊嵩間

送呂漳州

今朝一壺酒言送漳州牧半自要閒遊愛花憐草綠花
前下鞍馬草上攜絲竹行客飲數杯主人歌一曲端居
惜風景屢出勞僮僕獨醉似無名借君作題目

洛陽有愚叟

洛陽有愚叟白黑無分別浪跡雖似狂謀身亦不拙點
檢盤中飯非精亦非糲點檢身上衣無餘亦無闕天時
方得所不寒復不熱體氣正調和不饑仍不渴間將酒
壺出醉向人家歇野食或烹鮮寓眠多擁褐抱琴榮啟

樂荷插劉伶達放眼看青山任頭生白髮不知天地內
更得幾年活從此到終身盡為閒日月

和裴侍中南園靜興見示

池館清且幽高懷亦如此有時簾動風盡日橋照水靜
將鶴為伴閒與雲相似何必學留侯崎嶇覓松子

睡後茶興憶楊同州

昨晚飲太多嵬並上聲連宵醉今朝殮又飽爛漫移時睡
睡足摩挲眼眼前無一事信脚遶池行偶然得幽致婆
娑綠陰樹斑駁青苔地此處置繩床傍邊洗茶器白瓷
甌甚潔紅爐炭方熾沫下麴塵香花浮魚眼沸盛來有
佳色嚙罷餘芳氣不見楊慕巢誰人知此味

早熱

彤雲散不雨赫日吁可畏端坐猶揮汗出門豈容易忽
思公府內青衫折腰吏復想驛路中紅塵走馬使征夫
更辛苦逐客彌顛顛日入尚趨程宵分不遑寐安知北
窓叟偃卧風颯至簾拂碧龍鱗扇搖白鶴翅豈惟身所
得兼示心無事誰言苦熱天元有清涼地

勃勃旱塵氣炎炎赤日光飛禽颺將墜行人渴欲狂壯
者不耐饑饑火燒其腸肥者不禁熱喘息汗如漿此時
方自悟老瘦亦何妨肉輕足健逸髮少頭清涼薄食不
饑渴端居省衣裳數匙梁飯冷一領綃衫香持此聊過
日焉知畏景長

春遊

上馬臨出門出門復逡巡迴頭問妻子應恠春遊頻誠
知春遊頻其奈老大身朱顏去復去白髮新更新請君
屈十指爲我數交親大限年百歲幾人及七旬我今六
十五走若下坂輪假使得七十祇有五度春逢春不遊
樂但恐是癡人

題天竺南院贈閒元旻清四上人

雜芳澗草合繁綠巘樹新山深景候晚四月有餘春竹
寺過微雨石逕無纖塵白衣一居士方袍四道人地是
佛國土人非俗交親城中山下別相送亦殷勤

飲後戲示弟子

吾爲爾先生爾爲吾弟子孔門有遺訓復坐吾告爾先
生饌酒食弟子服勞止孝敬不在他在茲而已矣欲我
少憂愁欲我多歡喜無如醞好酒酒須多且旨旨即賓
可留多即壘不恥吾更有一言爾宜聽入耳人老多憂
貧人病多憂死我今雖老病所憂不在此憂在半酣時
樽空坐客起

晚起閒行

幡然一老子擁裘仍隱几坐穩夜忘眠卧安朝不起起
來無可作閉目時叩齒靜對銅爐香暖漱銀餅水午齋
何儉潔餅與蔬而已西寺講楞伽閒行一隨喜

二年三月五日齋畢開素當食偶吟贈妻弘農郡

君

睡足肢體暢晨起開中堂初旭泛簾幕微風拂衣裳二
婢扶盥櫛雙童舁簟牀庭東有茂樹其下多陰涼前月
事齋戒昨日散道場以我久蔬素加籩仍異糧魴鱗如
白雪蒸炙加桂薑稻飯紅似花調沃新酪漿佐以脯醢
味間之椒薤芳老憐口尚美病喜鼻聞香嬌駮三四孫
索哺遶我傍山妻未舉案饑叟已先嘗憶同牢蚤初家
貧共糟糠今食且如此何必烹猪羊况觀姻族間夫妻
半存亾偕老不易得白頭何足傷食罷酒一杯醉飽吟
又狂緬想梁高士樂道喜文章徒誇五噫作不解贈孟
光

不出門

彌月不出門永日無來賓食飽更拂牀睡起一嚙伸輕
筴白鳥羽新篔青箭筠方寸方丈室空然兩無塵披衣
腰不帶散髮頭不巾袒跣北窓下葛天之遺民一日亦
自足况得以終身不知天壤內目我為何人

御定全唐詩錄卷第六十一

御定全唐詩錄卷第六十二

禮部侍郎臣徐倬翰林院侍讀學士臣徐元正奉

旨校刊

白居易五

古體詩五

醉後走筆酬劉五主簿長句之贈兼簡張大賈二
十四先輩昆季

劉兄文高行孤立十五年前名翕習是時相遇在符離
我年二十君三十得意忘年心迹親寓居同縣日知聞
衡門寂寞朝尋我古寺蕭條暮訪君朝來暮去多攜手
窮巷貧居何所有秋燈夜寫聯句詩春雪朝傾煖寒酒

俾湖綠愛白鷗飛
淮水清憐紅鯉肥
偶語閒攀芳樹立
相扶醉蹋落花歸
張賈弟兄同里巷
乘閒數數來相訪
雨天連宿草堂中
月夜徐行石橋上
我年漸長忽自驚
鏡中冉冉髭鬚生
心畏後時同勵志
身牽前事各求名
問我棲棲何所適
鄉人薦爲鹿鳴客
二千里外謝交遊
三十韻詩慰行役
出門可憐惟一身
弊裘瘦馬入咸秦
藪藪街鼓紅塵闇
晚到長安無主人
二賈二張與余弟
驅車邈迤來相繼
操詞握賦爲干戈
鋒銳森然勝氣多
同入文場多苦戰
五人十載九登科
二張得雋名居甲
美退爭雄重告捷
棠棣輝榮並桂枝
芝蘭芬馥如荆葉
惟有沅犀屈未伸
握中自謂駭雞珍
三年不鳴鳴必大

豈獨駭雞當駭人
元和運氣千年聖
同遇明時余最幸
始辭秘閣吏王畿
遽列諫垣升禁闈
蹇步何堪鳴珮玉
衰容不稱着朝衣
閭闔晨開朝百辟
冕旒不動香煙碧
步登龍尾上虛空
立去天顏無咫尺
宮花似雪從乘輿
禁月如霜坐直廬
身賤每驚隨內宴
才微常媿草天書
晚松寒竹新昌第
職居密近門多閉
日暮銀臺下直回
故人到門門暫開
回頭下馬一相顧
塵土滿衣何處來
斂手炎涼敘未畢
先說舊山今悔出
岐陽旅宦少歡娛
江左遷遊費時日
贈我一篇行路吟
吟之句句披沙金
歲月徒催白髮貌
泥塗不屈青雲心
誰謂茫茫天地意
短才獲用長才棄
我隨鷓鴣入煙雲
謬上丹墀爲近臣

君同鸞鳳棲荆棘猶着青袍作選人惆悵知賢不能薦
徒爲出入蓬萊殿月慙諫紙二百張歲媿俸錢三十萬
大底浮榮何足道幾度相逢即身老且傾斗酒慰羈愁
重諾符離問舊遊北巷鄰居幾家去東林舊院何人住
武里村花落復開流溝山色應如故感此酬君千字詩
醉中分手又何之須知通塞尋常事莫歎浮沉先後時
慷慨臨岐重相勉殷勤別後加餐飯君不見買臣衣錦
還故鄉五十身榮未爲晚

江南遇天寶樂叟

白頭老叟泣且言祿山未亂入梨園能彈琵琶和法曲
多在華清隨至尊是時天下太平久年年十月坐朝元

千官起居環珮合萬國會同車馬奔金殿照耀石甕寺
蘭麝熏煮溫湯源貴妃宛轉侍君側體弱不勝珠翠繁
冬雪飄飄錦袍暖春風蕩漾霓裳翻歡娛未足燕寇至
弓勁馬肥戎語喧幽土人遷避獯鬻鼎湖龍去哭軒轅
從此漂淪到南土萬人死盡一身存秋風江上浪無限
暮雨舟中酒一樽涸魚久失風波勢枯草曾沾雨露恩
我自秦來君莫問驪山渭水如荒邨新豐樹老籠明月
長生殿閣鎖春雲紅葉紛紛葢欹瓦綠苔重重封壞垣
唯有中官作宮使每年寒食一開門

送張山人歸嵩陽

黃昏慘慘天微雪修行坊西鼓聲絕張生馬瘦衣且單

夜叩柴門與我別
媿君冒寒來別我
為君沽酒張燈火
酒酣火暖與君言
何事出關又入關
答云前年偶下山
四十餘月客長安
長安古來名利地
空手無金行路難
朝遊九城陌肥馬
輕車欺殺客暮宿
五侯門殘茶冷酒
愁殺人春明門前
便是嵩山路幸有
雲泉容此身明日
辭君且歸去

放旅鴈

九江十年冬大雪
江水生冰樹枝折
百鳥無食東西飛
中有旅雁聲最饑
雪中啄草冰上宿
翅冷騰空飛動遲
江童持網捕將去
手攜入市生賣之
我本北人今謹謫
人鳥雖殊同是客
見此客鳥傷客人
贖汝放汝飛入雲

雁雁汝飛向何處
第一莫飛西北去
淮西有賊討未平
百萬甲兵久屯聚
官軍賊軍相守老
食盡兵窮將及汝
健兒饑餓射汝喫
拔汝翅翎為箭羽

畫竹歌 并序

協律郎蕭悅善畫竹
舉時無倫蕭亦甚
自秘重有終歲求其
一竿一枝而不得者
知予天與好事忽寫
一十五竿惠然見投
予厚其意高其藝無
以答貺作歌以報之
凡一百八十六字云

植物之中竹難寫
古今雖畫無似者
蕭郎下筆獨逼真
丹青以來惟一
人人畫竹身肥
擁腫蕭畫莖瘦
節節竦人畫竹
梢死羸垂蕭畫
枝活葉葉動不
根而生從意生

不笋而成由筆成野塘水邊碕岬側森森兩叢十五莖
嬋娟不失筠粉態蕭颯盡得風煙情舉頭忽看不似画
低耳靜聽疑有聲西叢七莖勁而健省向天竺寺前石
上見東叢八莖疎且寒曾憶湘妃廟裏雨中看幽姿遠
思少人別與君相顧空長歎蕭郎蕭郎老可惜手顫眼
昏頭雪色自言便是絕筆時從今此竹猶難得

長恨歌

漢王重色思傾國御宇多年求不得楊家有女初長成
養在深閨人未識天生麗質難自棄一朝選在君王側
回頭一笑百媚生六宮粉黛無顏色春寒賜浴華清池
溫泉水滑洗凝脂侍兒扶起嬌無力始是新承恩澤時

雲鬢花顏金步搖芙蓉帳暖度春宵春宵苦短日高起
從此君王不早朝承歡侍宴無閒暇春從春遊夜專夜
後宮佳麗三千人三千寵愛在一身金屋妝成嬌侍夜
玉樓宴罷醉和春姊妹弟兄皆列土可憐光彩生門戶
遂令天下父母心不重生男重生女驪宮高處入青雲
仙樂風飄處處聞緩歌謾舞凝絲竹盡日君王看不足
漁陽鞞鼓動地來驚破霓裳羽衣曲九重城闕煙塵生
千乘萬騎西南行翠華摇摇行復止西出都門百餘里
六軍不發無奈何宛轉蛾眉馬前死花鈿委地無人收
翠翹金雀玉搔頭君王掩面救不得回首血淚相和流
黃埃散漫風蕭索雲棧縈紆登劍閣峨眉山下少人行

旌旗無光日色薄蜀江水碧蜀山青聖主朝朝暮暮情
行宮見月傷心夜色夜雨聞鈴腸斷聲天旋地轉迴龍馭
到此躊躇不能去馬嵬坡下泥土中不見玉顏空死處
君臣相顧盡沾衣東望都門信馬歸歸來池苑皆依舊
太液芙蓉未央柳芙蓉如面柳如眉對此如何不淚垂
春風桃李花開夜秋雨梧桐葉落時西宮南苑多秋草
宮葉滿階紅不掃梨園弟子白髮新椒房阿監青娥老
夕殿螢飛思悄然孤燈挑盡未成眠遲遲鐘鼓初長夜
耿耿星河欲曙天鴛鴦瓦冷霜華重翡翠衾寒誰與共
悠悠生死別經年魂魄不曾來入夢臨邛道士鴻都客
能以精誠致魂魄爲感君王展轉思遂教方士慇懃覓

排空馭氣奔如電升天入地求之遍上窮碧落下黃泉
兩處茫茫皆不見忽聞海上有仙山山在虛無縹緲間
樓閣玲瓏五雲起其中綽約多仙子中有一人字太真
雪膚花貌參差是金闕西廂叩玉扃轉教小玉報雙成
聞道漢家天子使九華帳裏夢魂驚攬衣推枕起徘徊
珠箔銀屏灑迤開雲鬢半偏新睡覺花冠不整下堂來
風吹仙袂飄飄舉猶似霓裳羽衣舞玉容寂寞淚闌干
梨花一枝春帶雨含情凝涕謝君王一別音容兩渺茫
昭陽殿裏恩愛絕蓬萊宮中日月長回頭下望人寰處
不見長安見塵霧惟將舊物表深情鈿盒金釵寄將去
釵留一股合一扇釵擘黃金合分鈿但令心似金鈿堅

天上人間會相見臨別殷勤重寄詞詞中有誓兩心知
七月七日長生殿夜半無人私語時在天願作比翼鳥
在地願為連理枝天長地久有時盡此恨綿綿無絕期

琵琶引 并序

元和十年予左遷九江郡司馬明年秋送客湓
浦口聞舟中夜彈琵琶者聽其音錚錚然有京
都聲問其人本長安娼女嘗學琵琶于穆曹二
善才年長色衰委身為賈人婦遂命酒使快彈
數曲曲罷憫然自敘少小時歡樂事今漂淪憔
悴轉徙於江湖間予出官二年恬然自安感斯
人言是夕始覺有遷謫意因為長句歌以贈之

凡六百一十二言命曰琵琶行

浔陽江頭夜送客楓葉荻花秋瑟瑟主人下馬客在船
舉酒欲飲無管絃醉不成歡慄將別別時茫茫江浸月
忽聞水上琵琶聲主人忘歸客不發尋聲闐問彈者誰
琵琶聲停欲語遲移船相近邀相見添酒回燈重開宴
千呼萬喚始出來猶抱琵琶半遮面轉軸撥絃三兩聲
未成曲調先有情絃絃掩抑聲聲思似訴平生不得志
低眉信手續續彈說盡心中無限事輕攏慢撚乃珍切抹復
挑初為霓裳後六么大絃嘈嘈如急雨小絃切切如私
語嘈嘈切切錯雜彈大珠小珠落玉盤間關鶯語花底
滑幽咽泉流水下灘水泉冷澁絃凝絕凝絕不通聲暫

歌別有幽愁闇恨生此時無聲勝有聲銀瓶乍破水漿
迸鐵騎突出刀鎗鳴曲終收撥當心畫四絃一聲如裂
帛東船西舫悄無言唯見江心秋月白沉吟放撥插絃
中整頓衣裳起斂容自言本是京城女家在蝦蟆陵下
住十三學得琵琶成名屬教坊第一部曲罷長教善才
服粧成每被秋娘妬五陵年少爭纏頭一曲紅綃不知
數鈿頭銀篦擊節碎血色羅裙翻酒污今年歡笑復明
年秋月春風等閑度弟走從軍阿姨死暮去朝來顏色
故門前冷落鞍馬稀老大嫁作商人婦商人重利輕別
離前月浮梁買茶去去來江口守空船遶船明月江水
寒夜深忽夢少年事夢啼粧淚紅闌干我聞琵琶已歎

息又聞此語重唧唧同是天涯淪落人相逢何必曾相
識我從去年辭帝京謫居卧病潯陽城潯陽地僻無音
樂終歲不聞絲竹聲住近湓江地低濕黃蘆苦竹遶宅
生其間旦暮聞何物杜鵑啼血猿哀鳴春江花朝秋月
夜往往取酒還獨傾豈無山歌與邨笛嘔啞嘲哳難爲
聽今夜聞君琵琶語如聽仙樂耳暫明莫辭更坐彈一
曲爲君翻作琵琶行感我此言良久立却坐促絃絃轉
急淒淒不似向前聲滿座重聞皆掩泣座中泣下誰最
多江州司馬青衫濕

簡簡吟

蘇家小女名簡簡芙蓉花腮柳葉眼十一把鏡學點粧

十二抽針能繡裳十三行坐事調品不肖迷頭白地藏
玲瓏雲髻生花樣飄飄風袖薔薇香殊姿異態不可狀
忽忽轉動如有光二月繁霜殺桃李明年欲嫁今年死
丈人阿母勿悲啼此女不是凡夫妻恐是天仙謫人世
只合人間十三歲大都好物不堅牢綵雲易散琉璃脆

霓裳羽衣歌和微之

我昔元和侍憲皇曾陪內宴宴昭陽千歌百舞不可數
就中最愛霓裳舞舞時寒食春風天玉鉤欄下香案前
案前舞者顏如玉不着人家俗衣服虹裳霞帔步搖冠
鈿璫纍纍佩珊珊娉婷似不任羅綺顧聽樂懸行復止
磬簫箏笛遞相攙擊擗彈吹聲灑逸凡法曲之初眾樂不齊惟金石絲竹次第發聲霓裳

序初亦復如此

散序六奏未動衣陽臺宿雲慵不飛散序六遍無中拍故不舞也

序擘騷霍號切

初入拍秋竹竿裂春冰折中序始有拍亦各拍序飄然轉

旋迴雪輕嫵然縱送游龍驚小垂手後柳無力斜曳裾

時雲欲生四句皆霓裳舞之初態

煙蛾斂略不勝態風袖低昂如有

情上元點鬟招萼綠王母揮袂別飛瓊繁音急節十二

遍跳珠撼玉何鏗錚霓裳曲十

翔鸞舞了却收翅啖鶴曲二遍而終

終長引聲凡曲將畢皆聲拍促速惟霓裳之末長引一聲也

當時乍見驚心目凝視諦

聽殊未足一落人間八九年耳冷不曾聞此曲湓城但

聽山魘語巴峽惟聞杜鵑哭予自江州司馬轉忠州刺史

移領錢塘第二

年始有心情問絲竹玲瓏篴篥謝好箏陳寵感策沈平

笙清絃脆管纖纖手教得霓裳一曲成

自玲瓏以下皆杭之妓名虛白

亭前湖水畔前後祇應三度按便除庶子拋却來聞道
如今各星散今年五月至蘇州朝鐘暮角催白頭貪看
案牘常侵夜不聽笙歌直到秋秋來無事多閒悶忽憶
霓裳無處問聞君部內多樂徒問有霓裳舞者無答云
十縣十萬戶無人知有霓裳舞惟寄長歌與我來題作
霓裳羽衣譜四幅花牋碧間紅霓裳實錄在其中千姿
萬狀分明見恰與昭陽舞者同眼前彷彿觀形質昔日
今朝想如一疑從魂夢呼召來似着丹青圖寫出我愛
霓裳君合知發於歌詠形於詩君不見我歌云驚破霓
裳羽衣曲長恨歌云又不見我詩云曲愛霓裳未拍時錢塘詩云由來
能事皆有主楊氏創聲君造譜開元中西涼府節度楊敬述造君言此舞難

得人須是傾城可憐女吳妖小玉飛作煙

夫差女小玉死後形見於王其母抱之霧散空

微若烟霧散空

越艷西施化為土嬌花巧笑久寂寥娃館苧蘿空

處所如君所言誠有是君試從容聽我語若求國色始
翻傳但恐人間廢此舞妍媸優劣寧相遠大都只在人
擡舉李娟張態君莫嫌亦擬隨宜且教取媚態蘇妓之名

小童薛陽陶吹感篋歌

和浙西李大夫作

剪削乾蘆插寒竹九孔漏聲五音足近來吹者誰得名
關雎老死李衮生衮今又老誰其嗣薛氏樂童年十二
指點之下師授聲含嚼之間天與氣潤州城高霜月明
吟霜思月欲發聲山頭江底何悄悄猿聲不喘魚龍聽
翕然聲作疑管裂訕然聲盡疑刀截有時婉軟無筋骨

有時頓挫生稜節急聲圓轉促不斷
轆轤鞦韆似珠貫
緩聲展引長有條有條直直如筆描
乍墜石沉重
高聲忽舉雲飄蕭
明旦公堂陳宴席
主人命樂娛賓客
碎絲細竹徒紛紛
宮調一聲雄
出群衆音韻切縷不落
道有如部伍隨
將軍嗟爾陽陶方稚齒
下手發聲已如此
若教頭白吹不休
但恐聲名壓關李

舒負外遊香山寺數日不歸兼辱尺書大誇勝事
時正值坐衙慮囚之際走筆題長句以贈之

香山石樓倚天開
翠屏壁立波環迴
黃菊繁時好客到
碧雲合處佳人來
謂遺英倩二妓與舒君同遊
酡顏一笑天桃綻
清吟數聲寒玉哀
軒騎逶遲棹容與
留連三日不能迴
白頭老

尹府中坐早衙纔退暮衙催庭前堦上何所有
纍囚成貫案成堆
豈無池塘長秋草
亦有絲竹生塵埃
今日清光昨夜月
竟無人來勸一杯

蘇州李中丞以元日郡齋感懷詩寄微之及余輒
依來篇七言八韻走筆奉答兼呈微之

白首餘杭白太守
落魄拋名來已久
一辭渭北故園春
再把江南新歲酒
杯前笑歌徒勉強
鏡裏形容漸衰朽
領郡慙當潦
倒年隣州喜得平安友
長洲草接松江岍
曲水花連鏡湖口
老去還能痛飲無
春來曾作閒遊否
憑鶯傳語報李六
倩鴈將書與元九
莫嗟一日日催人
且貴一年年入手

秋日與張賓客舒著作同遊龍門醉中狂歌凡二

百三十八字

秋天高高秋光清秋風嫋嫋秋蟲鳴嵩峰餘霞錦綺卷
伊水細浪鱗甲生洛陽閒客知無數少出遊山多在城
商嶺老人自追逐蓬丘逸士相逢迎南出鼎門十八里
莊店邇迤橋道平不寒不熱好時節鞍馬穩快衣衫輕
並轡踟躕下西岼扣舷容與遶中汀開懷曠達無所繫
觸目勝絕不可名荷衰欲黃荇猶綠魚樂自躍鷗不驚
翠藻蔓長孔雀尾彩船櫓急寒鴈聲家醞一壺白玉液
野花數把黃金英晝遊四看西日暮夜話三及東方明
暫停杯觴輒吟詠我有狂言君試聽丈夫一生有二志

兼濟獨善難得并不能救療生民病即須先濯塵土纓
况我頭白眼已闔終日戚促何所成不如展眉開口笑
龍門醉卧香山行

達哉樂天行

達哉達哉白樂天分司東都十三年七旬纔滿冠已挂
半祿未及車先懸或伴遊客春行樂或隨山僧夜坐禪
二年忘却問家事門庭多草廚少煙庖童朝告鹽米盡
侍婢暮訴衣裳穿妻孥不悅甥姪悶而我醉卧坊陶然
起來與爾畫生計薄產處置有後先先賣南方十畝園
次賣東郭五頃田然後兼賣所居宅髣髴獲緡二三千
半與爾充衣食費半與吾供酒肉錢吾今已年七十一

眼昏鬚白頭風眩但恐此錢用不盡即先朝露歸夜泉
未歸且住亦不惡饑飡樂飲安穩眠死生無可無不可
達哉達哉白樂天

海漫漫 戒求仙也

海漫漫直下無底傷無邊雲濤煙浪最深處人傳中有
三神山山上多生不死藥服之羽化為天仙秦皇漢武
信此語方士年年采藥去蓬萊今古但聞名煙水茫茫
無覓處海漫漫風浩浩眼穿不見蓬萊島不見蓬萊不
敢歸童男艸女舟中老徐福文成多誑誕上元太一虛
祈禱君看驪山頂上茂陵頭畢竟悲風吹蔓草何況元
元聖祖五千言不言藥不言仙不言白日昇青天

華原磬 刺樂工非其人也

濱磬下調之不能和得華
原石考之乃和由是不改

天寶中始廢泗濱磬用華原石
代之詢諸磬人則曰故老云泗

華原磬華原磬古人不聽今人聽泗濱石泗濱石今人
不擊古人擊今人古人何不同用之捨之由樂工樂工
雖在耳如壁不分清濁即為聾梨園弟子調律呂知有
新聲不如古古稱浮磬出泗濱立辨致死聲感人宮懸
一聽華原石君心遂忘封疆臣果然寇亂從燕起武臣
少宵封疆死始知樂與時政通豈聽鏗鏘而已矣磬襄
入海去不歸長安市人為樂師華原磬與泗濱石清濁
兩聲誰得知

上陽白髮人

愍怨曠也

天寶五載已後楊貴妃專寵後宮
人無復進幸矣六宮有美色者輒

上陽人紅顏闇老白髮新綠衣監使守宮門一閉上陽
多少春明皇末歲初選入入時十六今六十同時采擇
百餘人零落年深殘此身憶昔吞悲別親族扶入車中
不敢哭皆云入內便承恩臉似芙蓉曾似玉未容君王
得見面已被楊妃遙側目妬令潛配上陽宮一生遂向
空房宿秋夜長夜長無寐天不明耿耿殘燈照背影蕭
蕭閣雨打窓聲春日遲日遲獨坐天難暮宮鶯百轉愁
厭聞梁燕雙栖老休妬鶯歸燕去長悄然春往秋來不
記年惟向深宮望明月東西四百迴圓今日宮中年
最老大家遙賜尚書號小頭鞋履窄衣裳青黛點眉眉

置別所上陽是其
一也貞元中尚存焉

細長外人不見見應笑天寶末年時世粧上陽人苦最
多少亦苦老亦苦少苦老苦兩如何君不見昔時呂尚
美人賦天寶末有密采艷色者當時號
花鳥使呂尚獻美人賦以諷之又不見今日上陽白髮歌

胡旋女 戒近習也天寶末康
居國獻之

胡旋女胡旋女心應絃手應鼓絃鼓一聲雙袖舉迴雪
飄飄轉蓬舞左旋右轉不知疲千匝萬周無已時人間
物類無可比奔車輪緩旋風遲曲終再拜謝天子天子
爲之微啟齒胡旋女出康居徒勞東來萬里餘中原自
有胡旋者闢妙爭能爾不如天寶季年時欲變臣妾人
人學圓轉中有太真外祿山二人最道能胡旋梨花園
中冊作妃金雞陣下養爲兒祿山胡旋迷君眼兵過黃

河疑未反貴妃胡旋感君心死棄馬嵬念更深從茲地
軸天維轉五十年來制不禁胡旋女莫空舞數唱此歌
悟明主

新豐折臂翁 戒邊功也

新豐老人八十八頭髮眉鬚皆似雪元孫扶向店前行
左臂憑肩右臂折問翁臂折來幾年兼問致折何因緣
翁云貫屬新豐縣生逢聖代無征戰慣聽梨園歌管聲
不識旗槍與弓箭無何天寶大徵兵戶有三丁點一丁
點得驅將何處去五月萬里雲南行聞道雲南有瀘水
椒花落時瘴煙起大軍徒涉水如湯未過十人二三死
村南村北哭聲哀兒別爺娘夫別妻皆云前後征蠻者

千萬人行無一迴是時翁年二十四兵部牒中有名字
夜深不敢使人知偷將大石鎚折臂張弓簸旗俱不堪
從茲始免征雲南骨碎筋傷非不苦且圖揀退歸鄉土
此臂折來六十年一肢雖廢一身全至今風雨陰寒夜
直到天明痛不眠痛不眠終不悔且喜老人今獨在不
然當時瀘水頭身死魂飛骨不收應作雲南望鄉鬼萬
人塚上哭呦呦

雲南有萬人塚即鮮于仲通
李宓曾覆軍之所今塚猶存

老人言君聽取君

不聞開元宰相宋開府不賞邊功防黷武

開元初突厥數寇
邊時天武軍牙將

郝雲岑出使因引特勒回鶻部落斬突厥默啜獻首于闕下自謂有不世之功時
宋璟為相以天子年少好武恐徵功者生心痛抑其賞逾年始授郎將雲岑遂慟
哭嘔血而死又不聞天寶宰相楊國忠欲求恩幸立邊功邊功

未立生人怨請問新豐折臂翁

天寶末楊國忠為相重結閣羅鳳
之役募人討之前後發二十餘萬

衆去無返者又捉人連枷赴役天下怨哭人不聊生故祿
山得乘人心而盜天下元和初而折臂翁猶存因備歌之

縛戎人 達窮民之情也

縛戎人縛戎人口穿面破驅入秦天子矜憐不忍殺詔
徙東南吳與越黃衣小使錄姓名領出長安乘遞行身
被金瘡面多瘡扶病徒行日一驛朝飡饑渴費杯盤夜
卧腥臊汚牀席忽逢江水憶交河垂手齊聲嗚咽歌其
中一虜語諸虜爾苦非多我苦多同伴行人因借問欲
說喉中氣憤憤自云鄉管本涼原大曆年中没落蕃一
落蕃中四十載身着皮裘繫毛帶惟許正朝服漢儀斂
衣整巾潛淚垂誓心密定歸鄉計不使蕃中妻子知有李如蓮
者蓬子將軍之子也嘗没蕃中自云蕃法惟正歲一日許
唐人之没蕃者服唐衣冠由是悲不自勝定歸計也 暗思自有殘筋骨

更恐年衰歸不得蕃候嚴兵鳥不飛脫身冒死奔逃歸
晝伏宵行經大漠雲陰月黑風沙惡驚藏青塚寒草疎
偷渡黃河夜水薄忽聞漢軍鼙鼓聲路旁走出再拜迎
游騎不聽能漢語將軍遂縛作蕃生配向東南卑濕地
定無存卹空防備念此吞聲仰訴天若為辛苦度殘年
涼原鄉井不得見胡地妻兒虛棄捐没蕃被囚思漢土
歸漢被劫為蕃虜早知如此悔歸來兩地寧如一處苦
縛戎人戎人之中我苦辛自古此冤應未有漢心漢語
吐蕃身

百鍊鏡 美皇王鑒也

百鍊鏡鎔範非常規日辰處所靈且祇江心波上舟中

鑄五月五日日午時瓊粉金膏磨瑩已化為一片秋潭
水鏡成將獻蓬萊宮揚州長吏手自封人間臣妾不合
照背有九五飛天龍人人呼為天子鏡我有一言聞太
宗太宗常以人為鏡鑒古鑒今不鑒容四海安危居掌
內百王治亂懸其中乃知天子別有鏡不是揚州百鍊
銅

青石 激忠烈也

青石出自藍田山兼車運載來長安工人磨琢欲何用
石不能言我代言不願作人家墓前神道碣墳土未乾
名已滅不願作官家道傍德政碑不鐫實錄鐫虛辭願
為顏氏段氏碑雕鏤太尉與太師刻此兩片堅金質狀

彼二人忠烈姿義心若石屹不轉死節名流確不移如
觀奮擊朱泚日似見叱呵希烈時各於其上題名謚一
置高山一沉水陵谷雖遷碑獨存骨化為塵名不死長
使不忠不烈臣觀碑改節慕為人慕為人勸事君

西涼伎 刺封疆之臣也

西涼伎假面胡人假獅子刻木為頭絲作尾金鑲眼睛
銀帖齒奮迅毛衣擺雙耳如從流沙來萬里紫髯深目
兩胡兒鼓舞跳梁前致辭應似涼州未陷日安西都護
進來時須臾云得新消息安西路絕歸不得泣向獅子
涕雙垂涼州陷沒知不知獅子回頭向西望哀吼一聲
觀者悲貞元邊將愛此曲醉坐笑看看不足享賓犒士

宴三軍獅子胡兒長在目有一征夫年七十見弄涼州
低面泣泣罷斂手白將軍主憂臣辱昔所聞自從天寶
兵戈起邊戎日夜吞西鄙涼州陷來四十年河隴侵將
七千里平時安西萬里疆今日邊防在鳳翔平時開遠門外立墩云去安西
九千九百里以示成人不為萬里行其實就盈數也今蕃漢使往來悉在隴州交易緣邊空屯十萬卒飽食溫
衣閒過日遺民腸斷在涼州將卒相看無意收天子每
思常痛惜將軍欲說合慙羞奈何仍看西涼伎取笑資
歡無所愧縱無智力未能收忍取西涼弄為戲

八駿圖 戒奇物懲佚遊也

穆王八駿天馬駒後人愛之寫為圖背如龍兮頸如象
骨竦筋高肌肉壯日行萬里速如飛穆王獨乘何所之

四荒八極躅欲遍三十二蹄無歇時屬車軸折趨不及
黃屋草生棄若遺瑤池西赴王母宴七廟經年不親薦
壁臺南與盛姬遊明堂不復朝諸侯白雲黃竹歌聲動
一人荒樂萬人愁周從后稷至文武積德累功世勤苦
豈知纔及四代孫心輕王業如灰土由來尤物不在大
能蕩君心則為害文帝却之不肖乘千里馬去漢道興
穆王得之不為戒八駿駒來周室壞至今此物世稱珍
不知房星之精下為害八駿圖君莫愛

澗底松 念寒雋也

有松百尺大十圍生在澗底寒且卑澗深山險人路絕
老死不逢工度之天子明堂欠梁木此求彼有兩不知

誰諭蒼蒼造物意但與之材不與地金張世祿原憲貧
牛衣寒賤貂蟬貴貂蟬與牛衣高下雖有殊高者未必
賢下者未必愚君不見沉沉海底生珊瑚歷歷天上種
白榆

繚綾 念女工之勞也

繚綾繚綾何所似不似羅綃與紈綺應似天台山上明
月前四十五尺瀑布泉中有文章又奇絕地鋪白煙花
簇雪織者何人衣者誰越溪寒女漢宮姬去年中使宣
口敕天上取樣人間織織爲雲外秋雁行染作江南春
水色廣裁衫袖長製裙金斗熨波刀剪紋異彩奇文相
隱映轉側看花看不定昭陽舞人恩正深春衣一對直

千金汗沾粉汗不再着曳土蹋泥無惜心繚綾織成費
功績莫比尋常繒與帛絲細縲多女手疼札札千聲不
盈尺昭陽殿裏歌舞人若見織時應也惜

賣炭翁 苦官市也

賣炭翁伐薪燒炭南山中滿面塵灰烟火色兩鬢蒼蒼
十指黑賣炭得錢何所營身上衣裳口中食可憐身上
衣正單心憂炭賤願天寒夜來城外一尺雪曉駕炭車
輾冰轍牛困人饑日已高市南門外泥中歇翩翩兩騎
來是誰黃衣使者白衫兒手把文章口稱敕迴車叱牛
率向北一車炭重千餘斤官使驅將惜不得半疋紅紗
一丈綾繫向牛頭充炭直

官牛 諷執政也

官牛官牛駕官車澆水岸邊搬載沙一石沙幾斤重朝
載暮載將何用載向五門官道西綠槐陰下鋪沙堤昨
來新拜右丞相恐怕泥塗汗馬蹄右丞相馬蹄蹋沙雖
淨潔牛領牽車欲流血右丞相但能濟人治國調陰陽
官牛領穿亦不妨

秦吉了 哀冤民也

秦吉了出南中彩毛青黑花頸紅耳聰心慧舌端巧鳥
語人言無不通昨日長爪鶯今日大嘴烏鶯捐乳燕一
窠覆烏啄母鷄雙眼枯雞號墮地燕驚去然後拾卵攫
其雛豈無鵠與鸚喙音素中食飽不肖搏亦有鸞鶴群閒

立颺高如不聞秦吉了人云爾是能言鳥豈不見鷄燕
之冤苦吾聞鳳凰百鳥主爾竟不為鳳凰之前致一言
安用噪噪閒言語

真娘墓 墓在虎丘寺

真娘墓虎丘道不識真娘鏡中面惟見真娘墓頭草霜
摧桃李風折蓮真娘死時猶少年脂膚黃手不牢固世
間有物難留連難留連易消歇塞北花江南雪

寒食野望吟

丘墟郭門外寒食誰家哭風吹曠野紙錢飛古墓累累
春草綠棠梨花映白楊樹盡是死生離別處冥漠重泉
哭不聞蕭蕭暮雨人歸去

醉歌

示妓人
商玲瓏

罷胡琴掩秦瑟玲瓏再拜歌初畢誰道使君不解歌聽
唱黃雞與白日黃雞催曉丑時鳴白日催年酉時沒腰
間紅綬繫未穩鏡裏朱顏看已失玲瓏玲瓏奈老何使
君歌了汝更歌

憶舊遊

寄劉
蘇州

憶舊遊舊遊安在哉舊遊之人半白首舊遊之地多蒼
苔江南舊遊凡幾處就中最憶吳江隈長洲苑綠柳萬
樹齊雲樓春酒一杯闔門曉嚴旗鼓出臯橋夕開船舫
迴修蛾慢臉燈下醉急管繁絃頭上催六七年狂爛
熯三千里外思徘徊李娟張態一春夢周五殷三歸夜

臺虎丘月色為誰好娃宮花枝應自開賴得劉郎解吟
咏江山氣色合歸來

娟能蘇州妓名
周殷蘇州從事

履信池櫻桃島上醉後走筆送別舒負外兼寄宗
正李卿考功崔郎中

櫻桃島前春去春花萬枝忽憶與宗卿閒飲日又憶與
考功狂醉時歲晚無花空有葉風吹滿地乾重疊躡葉
悲秋復憶春池邊樹下重殷勤今朝一酌臨寒水此地
三迴別故人櫻桃花來春千萬朶來春共誰花下坐不
論崔李上青雲明日舒三亦拋我

御定全唐詩錄卷第六十二

Blank page with vertical lines for text.

御定全唐詩錄卷第六十三

禮部侍郎臣徐倬翰林院侍讀學士臣徐元正奉

旨校刊

白居易 六

近體詩

社日關路作

晚景函關路涼風社日天青巘新有燕紅樹欲無蟬
愁立驛樓上厭行官堠前蕭條秋興苦漸近二毛年

賦得古原草送別

離離原上草一歲一枯榮野火燒不盡春風吹又生
遠芳侵古道晴翠接荒城又送王孫去萋萋滿別情

白居易

旅次景空寺宿幽上人院

不與人境接寺門開向山暮鐘鳴鳥聚秋雨病僧閒月
隱雲樹外螢飛廊宇間幸投花界宿暫得靜心顏

秋暮郊居書懷

郊居人事少晝卧對林巒窮巷厭多雨貧家愁早寒葛
衣秋未換書卷病仍看若問生涯計前溪一釣竿

客中守歲

在柳
家莊

守歲樽無酒思鄉淚滿巾始知為客苦不及在家貧畏
老偏驚節防愁預惡春故園今夜裏應念未歸人

涼夜有懷

念別感時節早蛩聞一聲風簾夜涼入露篔秋意生燈

盡夢初罷月斜天未明闇凝無限思起傷藥欄行

夜坐

斜月入前楹迢遙夜坐情梧桐上階影蟋蟀近牀聲曙
傷窓間至秋從簾上生感時因憶事不寢到雞鳴

江夜舟行

煙澹月濛濛舟行夜色中江鋪滿槽水帆展半檣風叫
曙嗷嗷雁啼秋唧唧蟲只應催北客早作白鬚翁

途中感秋

節物行搖落年顏坐變衰樹初黃葉日人欲白頭時鄉
國程程遠親朋處處辭惟憐病與老一步不相離

江樓偶宴贈同座

白居易

南浦閒行罷西樓小宴時望湖凭檻久待月放杯遲江
果嘗盧橘山歌聽竹枝相逢且同樂何必舊相知

櫻桃花下歎白髮

逐處花皆好隨年貌自衰紅櫻滿眼日白髮半頭時倚
樹無言久攀條欲放遲臨風兩堪歎如雪復如絲

官舍閒題

職散優閒地身慵老大時送春惟有酒銷日不過棋祿
米麩牙稻園蔬鴨脚葵飽餐晨晏起餘暇弄龜兒

龜兒即
小姪名

清明送韋侍郎貶虔州

寂寞清明日蕭條司馬家留錫和冷粥出火煮新茶欲
別能無酒相留亦有花南遷更何處此地已天涯

東亭閒望

東亭盡日坐誰伴寂寥身綠桂為佳客紅蕉當美人笑
言雖不接情狀似相親不作悠悠想如何度晚春

中書夜直夢忠州

閣下燈前夢巴南城裏遊覓花來渡口尋寺下山頭江
色分明綠猿聲依舊愁禁鐘驚睡覺惟不上東樓

暮歸

不覺百年半何曾一日閒朝隨燭影出暮趁鼓聲還甕
裏非無酒墻頭亦有山歸來常困臥早晚得開顏

久不見韓侍郎戲題四韻以寄之

近來韓閣老疎我我心知戶大嫌甜酒才高笑小詩靜

吟乘月夜閒醉曠花時還有愁同處春風滿髣絲

代人贈王負外

好在王負外平生記得不共賒黃叟酒同上莫愁樓靜
接殷勤語狂隨爛熳遊那知今日眼相見冷於秋

玉真張觀主下小女冠阿容

綽約小天仙生來十六年姑山半峰雪瑤水一枝蓮晚
院花留立春窻月伴眠迴眸雖欲語阿母在傍邊

訪陳二

曉垂朱綬帶晚著白綸巾出去爲朝客歸來是野人兩
殮聊過日一榻足容身此外皆閒事時時訪老陳

晚庭逐涼

送客出門後移床下砌初趁涼行繞竹引睡卧看書老
更爲官拙慵多向事疎松窓倚藤杖人道似僧居

夜泊旅望

少睡多愁客中宵起望鄉沙明連浦月帆白滿船霜近
海江彌濶迎秋夜更長煙波三十宿猶未到錢塘

郡樓夜宴留客

北客來相訪東樓爲一開卷簾待月出把火看潮來艷
聽竹枝曲香傳蓮子杯寒天殊未曉歸騎且遲迴

哀病

老與病相仍華簪髮不勝行多朝散藥睡少夜停燈祿
食分供鶴朝衣減施僧性多移不得郡政謾如繩

小歲日對酒唸錢湖州所寄詩

獨酌無多興閒吟有所思一杯新歲酒兩句故人詩楊
柳初黃日髭鬚半白時蹉跎春氣味彼此老心知

湖亭晚歸

盡日湖亭卧心閒事亦稀起因殘醉醒坐待晚涼歸松
雨飄藤帽江風透葛衣柳堤行不厭沙軟絮霏霏

閒卧一作賈島詩

盡日前軒卧神閒境亦空有山當枕上無事到心中簾
卷侵牀日屏遮入座風望春春未到應在海門東

病中書事

三載卧山城閒知接物情鶯多過春語蟬不待秋鳴氣

嗽因寒發風痰欲雨生病身無所用惟解卜陰晴

臨池閒卧

小竹圍庭匝平池與砌連閒多臨水坐老愛向陽眠營
役拋身外幽奇送枕前誰家卧床脚解繫釣魚船

寄皇甫七

孟夏愛吾廬陶潛語不虛花樽飄落酒風案展開書隣
女偷新果家僮漉小魚不知皇甫七池上興何如

重詠

日覺雙眸暗年驚兩鬢蒼病應無處避老更不宜忙徇
俗心情少休官道理長今秋歸去定何必重思量

武丘寺路

去年重開寺路桃李
蓮荷約種二千株

白居易
白居易

自開山寺路水陸往來頻銀勒牽驕馬花船載麗人
菱荷生欲遍桃李種仍新好住湖堤上長留一道春

河亭晴望

風轉雲頭歛煙銷水面開晴虹橋影出秋雁櫓聲來
郡靜官初罷鄉遙信未迴明朝是重九誰勸菊花杯

望亭驛酬別周判官

何事出長洲連宵飲不休醒應難作別歡漸少於愁
燈火穿村市笙歌上驛樓何言五十里已不屬蘇州

聽琵琶妓彈略略

腕軟撥頭輕新教略略成四絃千遍語一曲萬重情
法向師邊得能從意上生莫欺江外手別是一家聲

閒出

身外無羈束心中少是非被花留便住逢酒醉方歸
人事行時少官曹入日稀春寒遊正好穩馬薄綿衣

宴散

小宴追涼散平橋步月回笙歌歸院落燈火下樓臺
殘暑蟬催盡新秋雁帶來將何迎睡興臨卧舉殘杯

人定

人定月朧明香消枕簟清翠屏遮燭影紅袖下簾聲
坐久吟方罷眠初夢未成誰家教鸚鵡故語相驚

賦得烏夜啼

城上歸時晚庭前宿處危月明無葉樹霜滑有風枝
啼

澁饑喉咽飛低凍翅垂畫堂鸚鵡鳥冷暖不相知

和春深二十首

何處春深好春深富貴家馬爲中路鳥妓作後庭花羅
綺驅論隊金銀用短車眼前何所苦惟苦日西斜
何處春深好春深貧賤家荒涼三徑草冷落四隣花奴
困歸傭力妻愁出貨車途窮平路險舉足劇褒斜
何處春深好春深執政家鳳池添硯水雞樹落衣花詔
借當衢宅恩容上殿車延英開對久門與日西斜
何處春深好春深方鎮家通犀排帶胯瑞鶴勘袍花飛
絮衝毬馬垂楊拂妓車戎裝拜春設左握寶刀斜
何處春深好春深刺史家陰繁棠布葉岐秀麥分花五

足鳴珂馬雙輪畫戟車和風引行樂葉葉隼旗斜
何處春深好春深學士家鳳書裁五色馬鬣剪三花蠟
炬開明火銀臺賜物車相逢不敢揖彼此帽低斜
何處春深好春深女學家慣看溫室樹飽識浴堂花御
印提隨仗香牋把下車宋家宮樣髻一片綠雲斜
何處春深好春深御史家絮縈驄馬尾蝶繞繡衣花破
柱行持斧埋輪立駐車入班遙認得魚貫一行斜
何處春深好春深遷客家一杯寒食酒萬里故園花炎
瘴蒸如火光陰走似車爲憂鵬鳥至只恐日光斜
何處春深好春深經業家惟求太常第不管曲江花折
桂名慙却收螢志慕車官場泥鋪處最怕寸陰斜

何處春深好春深隱士家野衣裁薜葉山飯晒松花蘭
索紉幽佩蒲輪駐軟車林間箕踞坐白眼向人斜
何處春深好春深漁父家松灣隨棹月桃浦落船花投
餌移輕楫牽輪轉小車蕭蕭蘆葉裏風起釣絲斜
何處春深好春深潮戶家濤翻三月雪浪噴四時花曳
練馳千馬驚雷走萬車餘波落何處江轉富陽斜
何處春深好春深痛飲家十分杯裏物五色眼前花舖
歡眠糟甕流涎見麴車中山一沉醉千度日西斜
何處春深好春深上已家蘭亭席上酒曲洛岍邊花弄
水遊童棹前裙小婦車齊撓爭渡處一匹錦標斜
何處春深好春深寒食家玲瓏鏤雞子宛轉綵毬花碧

草追遊騎紅塵拜掃車鞦韆細腰語搖曳逐風斜
何處春深好春深博奕家一先爭破眼六聚闢成花鼓
應投壺馬兵衝象戲車彈碁局上事最妙是長斜
何處春深好春深嫁女家紫排襦上雉黃貼髻邊花轉
燭初移障鳴環欲上車青衣傳檀褥錦繡一條斜
何處春深好春深娶婦家兩行籠裏燭一樹扇間花賓
拜登華席親迎障幃車催粧詩未了星斗漸傾斜
何處春深好春深妓女家眉欺楊柳葉裙妬石榴花蘭
麝熏行被金銅釘坐車杭州蘇小小人道最天斜

憶夢得

齒髮各蹉跎疎慵與病和愛花心在否見酒興如何年

長風情少官高俗慮多幾時紅燭下聞唱竹枝歌

勸酒十四首

并序

予分秩東都居多暇日閒來輒飲醉後輒吟苦
無詞章不成謠詠每發一意則成一篇凡十四
篇皆主於酒聊以自勸故以何處難忘酒不如
來飲酒命篇

何處難忘酒七首

何處難忘酒長安喜氣新初登高第後乍作好官人省
壁明張榜朝衣穩稱身此時無一盞爭奈帝城春
何處難忘酒天涯話舊情青雲俱不達白髮遞相驚二
十年前別三千里外行此時無一盞何以敘平生

何處難忘酒朱門羨少年春分花發後寒食月明前小
院迴羅綺深房理管絃此時無一盞爭過艷陽天
何處難忘酒霜庭老病翁聞聲啼蟋蟀乾葉落梧桐鬢
為愁先白顏因醉暫紅此時無一盞何計奈秋風
何處難忘酒軍功第一高還鄉隨露布半路授旌旄玉
柱剝葱手金章爛椹袍此時無一盞何以騁雄豪
何處難忘酒青門送別多歛襟收涕淚簇馬聽笙歌煙
樹灞陵岬風塵長樂坡此時無一盞爭奈去留何
何處難忘酒逐臣歸故園赦書逢驛騎賀客出都門半
面瘴煙色滿衫鄉淚痕此時無一盞何物可招魂

不如來飲酒七首

莫隱深山去君應到自嫌齒傷朝水冷貌苦夜霜嚴
去風生浦樵歸雪滿巘不如來飲酒相對醉厭厭
莫作農夫去君應見自愁迎春犁瘦地趁晚餒羸牛數
被官加稅稀逢歲有秋不如來飲酒相伴醉悠悠
莫作商人去恓惶君未諳雪霜行塞北風水宿江南
藏鏹百千萬沉舟十二三不如來飲酒仰面醉酣酣
莫事長征去辛勤難具論何曾畫麟閣祇是老轅門
蟻蝨衣中物刀鎗面上痕不如來飲酒合眼醉昏昏
莫學長生去仙方悞殺君那將薤上露擬待鶴邊雲
矻矻皆燒藥纍纍盡作墳不如來飲酒閒坐醉醺醺
莫上青雲去青雲足愛憎自賢誇智慧相糾鬪功能魚

爛緣吞餌蛾焦為撲燈不如來飲酒任性醉騰騰
莫入紅塵去令人心力勞相爭兩蝸角所得一牛毛
且滅嗔中火休磨笑裏刀不如來飲酒穩卧醉陶陶

即事

見月連宵坐聞風盡日眠室香羅藥氣籠煖焙茶煙
鶴啄新晴地雞棲薄暮天自看淘酒米倚杖小池前

西風

西風來幾日一葉已先飛新霽乘輕屐初涼換熟衣
淺渠銷慢水疎竹漏斜暉薄暮青苔巷家僮引鶴歸

和夢得冬日晨興

漏傳初五點雞報第三聲帳下從容起窓間朧朧

呼骨切明

照書燈未滅煖酒火重生理曲絃歌動先聞唱渭城

把酒思閒事

把酒思閒事春愁誰最深乞錢羈客面落第舉人心月
下低眉立燈前抱膝吟憑君勸一醉勝與萬黃金
把酒思閒事春嬌何處多試鞍新白馬弄鏡小青蛾掌
上初教舞花前欲按歌憑君勸一醉勸了問如何

營閒事

自笑營閒事從朝到日斜澆畦引泉脉掃徑避蘭芽暖
變墻衣色晴催木筆花桃根知酒渴晚送一甌茶

感春

老思不禁春風光照眼新花房紅烏觜池浪碧魚鱗倚

棹誰為伴持杯自問身心情多少在六十二三人

閒卧

薄食當齋戒散班同隱淪佛容為弟子天許作閒人惟
置牀臨水都無物近身清風散髮後兼不要紗巾

訓思黯戲贈

同用
狂字

鐘乳三千兩金釵十二行妬他心似火欺我髻如霜思黯
自誇前後服鐘乳三千兩甚得力而歌
舞之妓頗多來詩戲余羸老故戲答之慰老資歌笑銷愁仰酒漿眼
看狂不得狂得且須狂

自題酒庫

野鶴一辭籠虛舟長任風送愁還鬧處移老入閒中身
更求何事天將富此翁此翁何處富酒庫不曾空劉仁軌
詩云天

將富此翁以
一醉為富也

雨後秋涼

夜來秋雨後秋氣颯然新團扇先辭手生衣不着身更
添砧引思難與簟相親此境誰偏覺貧閒老瘦人

問諸親友

七十人難到過三更較稀占花租野寺定酒典朝衣趣
醉春多出貪歡夜未歸不知親故口道我是耶非

代書詩一百韻寄微之

憶在貞元歲初登典校司身名同日授心事一言知貞元
中與微之同登科第俱授
祕書省校書郎始相識也肺腑都無隔形骸兩不羈疎狂屬年
少閒散為官卑分定金蘭契言通藥石規交賢方汲汲

友直每偲偲有月多同賞無杯不共持秋風拂琴匣夜

月卷書帷高上慈恩塔幽尋皇子陂唐昌玉蕊會崇敬

牡丹期唐昌觀玉蕊崇敬寺牡丹花時多與微之有期笑勸迂辛酒閒吟短李詩辛大立
嗜酒李二十紳體短能詩
故當時有迂辛短李之號儒風愛敦質佛理尚元師劉三十二敦質
有儒風庚七元

師談佛理
有可賞者度日曾無悶通宵靡不為雙聲聯律句八面對

宮棋雙聲聯句八面
宮棋皆當時事徃徃遊三省騰騰出九達寒銷直城路

春到曲江池樹暖枝條弱山晴彩翠奇峰攢石綠點柳

宛麴塵絲岼草煙鋪地園花雪壓枝早光紅照耀新溜

碧透迤幄幕侵堤布盤筵占地施徵伶皆絕藝選妓悉

名姬粉黛凝春態金鈿耀水嬉風流誇墜髻時世鬪啼

眉貞元中城中復為
墜馬髻啼眉粧也密坐隨歡促華樽逐勝移香飄歌袂動

白居易
白居易

醉落舞釵遺籌挿紅螺椀觥飛白玉卮打嫌調笑易飲

訝卷波遲拋打曲有調笑令飲酒曲有卷白波殘席誼譁散歸鞍酌酊騎酖顏

烏帽側醉袖玉鞭垂紫陌傳鐘鼓紅塵塞路岐幾時會

整別何處不相隨荏苒星霜換迴環節候催兩衙多請

假三考欲成資運偶千年聖天成萬物宜皆當少壯日

同惜盛明時光景嗟虛擲雲霄竊窺攻文朝矻矻講

學夜孜孜策目穿如札時與微之集策略之目其數百十鋒毫銳若錐時與微之各有

鐵鋒細管筆攜以就試相顧輒笑目為毫錐繁張獲鳥網堅守釣魚坻謂自冬至夏頻改試期竟與微之堅守制

也並受夔龍薦齊陳晁董詞萬言經濟略三策太平基

中第爭無敵專場戰不疲輔車排勝陣犄角塞降旗並謂

同鋪席共筆硯雙闕紛容衛千僚儼等哀謂制舉人欲唱第時恩隨紫泥降名

向白麻披既在高科選還從好爵縻東垣君諫諍西邑

我驅馳元和元年同登制科微之拜拾遺余授墊屋尉再喜登烏府多慙侍赤墀四年微之復拜

監察子為拾遺學士也官班分內外遊處遂參差每列鷓鴣序偏瞻獬

豸姿簡威寒凜列衣彩繡葳蕤正色摧強禦剛腸嫉喔

咿嘗憎持祿位不擬保妻兒養勇當除惡輸忠在滅私

下鞞驚燕雀當道懾狐狸南國人無怨東臺吏不欺微之

使東原奏寬八十餘家詔從而平之因分司東都理寬多定國切諫甚辛毘造次行於

是平生志在茲道將心共直言與行兼危水閣波翻覆

山藏路險巖未為明主識已被倖臣疑木秀遭風折蘭

芳遇霰萎千鈞勢易壓一柱力難支騰口因成瘡吹毛

遂得疵憂來吟貝錦謫去詠江蘿邂逅塵中遇殷勤馬

上辭賈生離魏闕王祭向荆夷水過清源寺山經綺季
祠心搖漢臯珮淚隨峴亭碑並途中經歷處驛路緣雲際城樓枕
水湄思鄉多繞澤望闕獨登陴林晚青蕭索江平綠渺
瀾野秋鳴蟋蟀沙冷聚鷓鴣官舍黃茅屋人家苦竹籬
白醪充夜酌紅粟備晨炊寡鶴摧風翻鰓魚失水鬢鬢
雖啼渴旦涼葉墜相思此四句兼舍微之鰓居一點寒燈滅三聲曉
角吹藍衫經雨故驄馬卧霜羸念涸誰濡沫嫌醒自歎
醜耳垂無伯樂舌在有張儀負氣衝星劍傾心向日葵
金言自銷鑠玉性肯磷緇伸屈須看蠖窮通莫問龜定
知身是患當用道為醫想子今如彼嗟予獨在斯無膠
當歲杪有夢到天涯坐阻連襟帶行乖接履綦潤銷衣

上霧香散室中芝念遠緣遷貶驚時為別離素書三往
復明月七盈虧自與微之別經七月三度得書舊理非難到餘歡不可追樹
依興善老草傍靜安哀微之宅在靜安坊西近興善寺前事思如昨中懷寫
向誰北村尋古柏南宅訪辛夷開元西北院即隋時龍村佛堂有古栢一枝微之宅中有辛夷兩樹常與微之遊息其下此日空搔首何人共解頤病多知夜永年長覺秋
悲不飲長如醉加飡亦似饑狂吟一千字因使寄微之

題故曹王宅

宅在檀溪

甲第何年置朱門此地開山當賓閣出溪繞妓堂迴覆
井桐新長蔭窓竹舊栽池荒紅菡萏砌老綠莓苔捐館
梁王去思人楚客來西園飛蓋處依舊月徘徊

渭邨退居寄禮部崔侍郎翰林錢舍人詩一百韻

聖代元和歲閒居渭水陽不才甘命舛多幸遇時康朝
野分倫序賢愚定否臧重文疎卜式尚少棄馮唐由是
推天運從茲樂性場籠禽放高翥霧豹得深藏世慮休
相擾身謀且自強猶須務衣食未免事農桑雜草通三
徑開田占一坊晝扉扃白版夜碓掃黃梁隙地治場圃
閒時糞土疆枳籬編刺夾薤壟孽科秧穡力嫌身病農
心願歲穰朝衣典杯酒佩劍博牛羊困倚栽松鍾饑提
採蕨筐引泉來後澗移竹下前岡生計雖勤苦家資甚
渺茫塵埃常滿甌錢帛少盈囊弟病仍扶杖妻愁不出
房傳衣念襤褸舉案笑糟糠犬吠村胥鬧蟬鳴織婦忙
納租看縣帖輸粟問軍倉夕歇攀村樹秋行遶野塘雲

容陰慘澹月色冷悠揚蕎麥鋪花白棠梨間葉黃早寒
風撼撼新霽月蒼蒼園菜迎霜死庭蕪過雨荒簷空愁
宿燕壁間思啼螿眼為看書損肱因運甕傷病骸渾似
木老髻欲成霜少睡知年長端憂覺夜長舊遊多廢忘
往事偶思量忽憶煙霄路常陪劍履行登朝思檢束入
閣學趨蹌命偶風雲會恩覃雨露霽沾枯發枝葉磨鈍
起鋒鋌崔閣連鑣騫錢兄接翼翔齊竽混韶夏燕石厠
琳琅同日升金馬分宵直未央共調加寵命合表謝恩
光廐馬驕初跨天厨味始嘗朝脯頒餅餌寒暑賜衣裳
對秉鵝毛筆俱含雞舌香青縑衾薄絮朱裏幕高張晝
食恒連案宵眠每並牀差肩承詔旨連署進封章起草

偏同視疑文最共詳滅私容點竄窮理析毫芒便共輸
肝膽何曾異肺腸慎微參石奮決密學張湯禁闥青交
瑣官垣紫界墻井欄排齒苔簷瓦闢鴛鴦樓額題鳩鵲
池心浴鳳凰風枝萬年動溫樹四時芳宿露凝金掌晨
暉上壁璫砌筠塗綠粉庭果滴紅漿曉從朝興慶春陪
宴柏梁傳呼鞭索索拜舞佩鏘鏘仙仗還雙闕神兵闢
兩廂火翻紅尾旆冰卓白竿槍滉漾經魚藻深沉近浴
堂分庭皆命婦對面即儲皇貴主冠浮動親王轡鬧裝
金鈿相照耀朱紫間熒煌毬簇桃花綺歌巡竹葉觴窪
銀中貴帶昂黛內人粧賜袂東城下頒酺曲水傍樽累
分聖酒妓樂借仙娼淺酌看紅藥徐吟把綠楊宴迴過

御陌行歇入僧房白鹿原東郭青龍寺北廊望春花景
暖避暑竹風涼下直閒如社尋芳醉似狂有時還後到
無處不相將雞鶴初雖雜蕭蘭久乃彰來燕隗貴重去
魯孔恓惶聚散期難定飛沉勢不常五年同晝夜一別
似參商屈折孤生竹銷摧百鍊鋼途窮任憔悴道在官
徬徨尚念遺簪折仍憐病雀瘡卹寒分賜帛救餒減餘
糧藥物來盈裹書題寄滿箱殷勤翰林主珍重禮闈郎
煦沫誠多謝搏扶豈所望提攜勞氣力吹簸不飛揚拙
劣才何用龍鍾分自當粧嫫徒費黛磨甌丁力切詎成璋
習隱將時背干名與道妨外身宗老氏齊物學蒙莊疎
放遺千慮愚蒙守一方樂天無怨歎倚命不動勦憤懣

胸須豁交加臂莫攘珠沉猶是寶金躍未為祥泥尾休
搖掉灰心罷激昂漸閒親道友因病事醫王息亂歸禪
定存神入坐亾斷癡求慧劍濟苦得慈航不動為吾志
無何是我鄉可憐身與世從此兩相忘

題盧秘書夏日新栽竹二十韻

湘竹初封植盧生此考槃久持霜節苦新託露根難等
度須當砌疎稠要滿欄買憐分薄俸栽稱作閒官葉剪
藍羅碎莖抽玉琯端幾聲清浙瀝一簇綠檀欒未夜青
嵐入先秋白露團拂肩搖翡翠斂手弄琅玕韻透窓風
起陰鋪砌月殘炎天聞覺冷窄地見疑寬梢動勝搖扇
枝低好掛冠碧籠煙冪冪珠灑雨珊珊晚籜晴雲展陰

芽蟄虺蟠愛從抽馬策惜未截魚竿松韻徒煩聽桃夭
不足觀梁慙當室杏臺陋本司蘭古詩云盧家蘭室杏為
梁又秘書府即蘭臺也撐撥
詩人興勾牽酒客歡靜連蘆簟滑涼拂葛衣單豈止消
時暑應能保歲寒莫同凡草木一種夏中看

題周皓大夫新亭子二十二韻

東道常為主南亭別待賓規模何日創景致一時新廣
砌羅紅藥疎窓蔭綠筠鎖開賓閣曉梯上妓樓春置醴
寧三爵加籩過八珍茶香飄紫筍膾縷落紅鱗輝赫車
輿開珍奇鳥獸馴獼猴看檻馬鸚鵡喚家人錦額簾高
捲銀花盞慢巡勸嘗光祿酒許看洛川神周蕪光祿卿有
家妓數十人斂
翠凝歌黛流香動舞巾裙翻繡瀉瀉梳陷鈿麒麟笛怨

音含楚箏嬌語帶秦侍兒催畫燭醉客吐文茵投轄多
連夜鳴珂便達晨入朝紆紫綬待漏擁朱輪貴介交三
事光榮照四隣甘濃將奉客穩暖不緣身十載歌鐘地
三朝節鉞臣愛才心倜儻敦舊禮殷勤門以招賢盛家
因好事貧始知豪傑意富貴爲交親

東南行一百韻寄通州元九侍御澧州李十一舍

人果州崔二十二使君開州韋大貲外庾三十

二補闕杜十四拾遺李二十助教負外竇七校

書

南去經三楚東來過五湖山頭看候館水面問征途地
遠窮江界天低極海隅飄零同落葉浩蕩似乘桴漸覺

鄉原異深知土產殊夷音語嘲哂蠻態笑睢盱水市通
闌闐煙邨混舳艫吏徵魚戶稅人納火田租亥日饒鰕
蟹寅年足虎驅成人男作艸似鬼女爲巫樓閣攢倡婦
隄喧簇販夫夜船論鋪賃春酒斷瓠沽見果多盧橘聞
禽悉鷓鴣山歌猿獨叫野哭鳥相呼嶺微雲成棧江郊
水當郭月橋翹柱鶴風汎颭檣烏鼈礙潮無信蛟驚浪
不虞鼉鳴泉窟室蜃結氣浮圖樹裂山魃穴沙含水弩
樞喘牛犁紫芋羸馬放青菰繡面誰家婢鴟頭幾歲奴
泥中採菱芡燒後拾樵蘇鼎膩愁烹鱉盤腥厭膾鱸鍾
儀徒戀楚張翰浪思吳氣序涼還熱光陰旦復晡身方
逐萍梗年欲近桑榆渭北田園廢江西歲月徂憶歸恒

慘澹懷舊忽踟躕自念咸秦客嘗為鄒魯儒蘊藏經國
術輕棄度關繻賦力凌鸚鵡詞鋒敵輓轡戰文重掉鞅
射策一彎弧崔杜鞭齊下元韋轡並驅名聲逼揚馬交
分過蕭朱世務輕摩揣周行竊覬覦風雲皆會合雨露
各霑濡共偶昇平代偏慙固陋軀承明連夜直建禮拂
晨趨美服頌王府珍羞降御厨議高通白虎諫切伏青
蒲柏殿行陪宴花樓走看酺神旗張鳥獸天籟動笙竽
九劍星芒耀魚龍電策驅定場排漢旅促坐進吳歛縹
緲疑仙樂嬋娟勝畫圖歌鬟低翠羽舞汗隋紅珠別選
閒遊伴潛招小飲徒一杯愁已破三盞氣彌羸軟美仇
家酒幽閒葛氏姝十千方得斗二八正當壚論笑杓胡

碑談憐鞏聶嘯李酣猶短實庚醉更蕙迂鞍馬呼教住
骰盆喝遣輸長驅波卷白連擲采成盧骰盤卷白波莫走鞍馬皆當時酒令籌
併頻逃席觥嚴列置孟滿卮那可灌頽玉不勝扶入視
中樞草歸乘內廐駒醉曾衝宰相驕不揖金吾日近恩
雖重雲高勢却孤翻身落霄漢失脚倒泥塗博望移門
籍潯陽佐郡符予自太子贊善大夫出為江州司馬時情變寒暑世利算錙銖
即日辭雙闕明朝別九衢播遷分郡國次第出京都十年
春微之移佐通州其年秋予出佐潯陽明年冬杓直出牧澧州崔二十二出牧果州韋大出牧開州秦嶺馳三驛商山上
二邗商山險道中有東西二邗峴陽亭寂寞夏口路崎嶇大道全生棘
中丁盡執爨江關未徹警淮口尚稽誅時淮西未平路經襄郡二州界所見如此
林對東西寺山分大小姑東林西林寺在廬山北大姑小姑在廬山南彭蠡湖中廬峰蓮刻

削溢浦帶縈紆

蓮花峰在廬山北溢水在江城南何遜詩云溢城對溢水溢水縈如帶

九派吞青草

潯陽在九派南通青草洞庭湖

孤城覆綠蕪

南方城壁多以草覆

黃昏鐘寂寂清曉角鳴

鳴春色辭門柳秋聲到井梧殘芳悲鷓鴣暮節感茱萸

蕊拆金英菊花飄雪片蘆波紅日斜沒沙白月平鋪幾

見林抽笋頻驚燕引雛歲華何倏忽年少不須臾眇默

思千古蒼茫想八區孔窮緣底事顏夭有何辜龍智猶

經醞龜靈未免剝窮通應已定聖哲不能逾况我身謀

拙逢他厄運拘漂流隨大海鎚鍛任洪爐險阻嘗之矣

栖遲命也夫沈冥消意氣窮餓耗肌膚防瘴和殘藥迎

寒補舊襦書牀鳴蟋蟀琴匣網蜘蛛貧室如懸磬端憂

劇守株時遭人指點數被鬼揶揄兀兀都疑夢昏昏半

是愚女驚朝不起妻恠夜長吁萬里拋朋侶三年隔友
于自然悲聚散不是恨榮枯去夏微之瘡今春席八俎
天涯書達否泉下哭知無去年間元九瘡書去竟未報今春聞席八俎久與還往能無慟哭謾寫
詩盈卷空盛酒滿壺只添新悵望豈復舊歡娛壯志因
愁減哀容與病俱相逢應不識滿頷白髭鬚

霖雨苦多江湖暴漲塊然獨望因題北亭

自作潯陽客無如苦雨何陰昏晴日少閒悶睡時多湖

濶將天合雲低與水和籬根舟子語巷口釣人歌霧島

沈黃氣風帆蹙白波門前車馬道一宿變江湖

春末夏初閒遊江郭

閒出乘輕屐徐行蹋軟沙觀魚傍溢浦看竹入楊家

浦

多魚浦西有楊
侍郎宅多好竹

林迸穿籬笋藤飄落水花雨埋釣舟小風颺
酒旗斜嫩剝青菱角濃煎白茗茶淹留不知夕城樹欲

栖鷗

柳影繁初合鶯聲澁漸稀早梅迎夏結殘絮送春飛西
日韶光盡南風暑氣微展張新小簟熨貼舊生衣綠蟻
杯香嫩紅絲繪縷肥故園無此味何必苦思歸

寄蘄州簞與元九因題六韻

時元九
歸居

笛竹出蘄春霜刀劈翠筠織成雙鎖簞寄與獨眠人卷
作筒中布舒為席上珍滑如鋪薤葉冷似卧龍鱗清潤
宜乘露鮮華不受塵通州炎瘴地此物最關身

浔陽秋懷贈許明府

霜紅二林葉風白九江波暝色投煙鳥秋聲帶雨荷馬
閒無處出門冷少人過鹵莽還鄉夢依稀望闕歌共思
除醉外無計奈愁何試問陶家酒新篋得幾多

題郡中荔枝詩十八韻兼寄楊萬州八使君

奇果標南土芳林對北堂素華春漠漠丹實夏煌煌葉
捧低垂戶枝擎重壓墻始因風弄色漸與日爭光夕訝
條懸火朝驚樹點粧深於紅躑躅大校白檳榔星綴連
心朶珠排耀眼房紫羅裁襯殼白玉裏填瓢早歲曾聞
說今朝始摘嘗嚼疑天上味嗅異世間香潤勝蓮生水
鮮逾橘得霜臙脂掌中顆甘露舌頭漿物少猶珍重天
高苦渺茫已教生暑月又使阻遐方粹液靈難駐妍姿

嫩易傷近南光景熱向北道途長不得充王賦無由寄
帝鄉惟君堪擲贈面白似潘郎

發白狗峽次黃牛峽登高寺却望忠州

白狗次黃牛灘如竹節稠路穿天地險人續古今愁忽
見千花塔因停一葉舟畏途長迫促靜境暫淹留巴曲
春全盡巫陽雨半收北歸雖引領南望亦迴頭昔去悲
殊俗今來念舊遊別僧山北寺拋竹水西樓郡樹花如
雪軍厨酒似油時時大開口自笑憶忠州

送客南遷

我說南中事君應不願聽曾經身困苦不覺語丁寧燒
處愁雲夢波時憶洞庭春畚煙勃勃秋瘴霧冥冥蚊蚋

經冬活魚龍欲雨腥水蟲能射影山鬼解藏形穴掉巴

蛇尾林飄鳩鳥翎颶風千里黑蕪徐廉切草四時青客似

驚弦鴈舟如委浪萍誰人勸言笑何計慰漂零慎勿琴

離膝長須酒滿瓶大都從此去宜醉不宜醒

新昌新居書事四十韻因寄元郎中張博士

冒寵已三遷歸朝始二年囊中貯餘俸園外買閒田狐
兔同三徑蒿萊共一壥新園聊刻穢舊屋且扶顛簷漏
移傾瓦梁欹換蠹椽平治遶臺路整頓近階甃巷狹開
容駕墻低壘過肩門閭堪駐蓋堂室可鋪筵丹鳳樓當
後青龍寺在前市街塵不到宮樹影相連省吏嫌坊遠
豪家笑地偏敢勞賓客訪或望子孫傳不覓他人愛惟

將自性便等閒栽樹木隨分占風煙逸致因心得幽期
遇境牽松聲疑澗底草色勝河邊虛潤冰銷地晴和日
出天苔行滑如簟莎坐軟於綿簾每當山卷帷多待月
褰籬東花掩映窓北竹嬋娟迹慕青門隱名慙紫禁仙
假歸思晚沐朝去戀春眠拙薄才無取疎慵職不專題
墻書命筆沾酒率分錢柏杵春靈藥銅瓶漱暖泉爐香
穿蓋散籠燭隔紗然陳室何曾掃陶琴不要絃屏除俗
事盡養活道情全尚有妻孥累猶為組綬纏終須拋爵
祿漸擬斷腥羶大抵宗莊叟私心事竺乾浮榮水劃字
真諦火生蓮梵部經十二元書字五千是非多付夢語
默不妨禪博士官猶冷郎中病已痊多同僻處住久結

靜中緣緩步攜筇杖徐吟展蜀牋老宜閒語話悶憶好
書篇蠻榼來方瀉蒙茶到始煎無辭數相見髣髴各蒼
然

重到江州感舊遊題郡樓十一韻

掌綸知是忝剖竹信為榮才薄官仍重恩深責尚輕昔
徵從典午今出自承明鳳詔休揮翰漁歌欲濯纓還乘
小艫艤却到古湓城醉客臨江待禪僧出郭迎青山滿
眼在白髮半頭生又校三年老何曾一事成重過蕭寺
宿再上庾樓行雲水新秋思閭閻舊日情郡民猶認得
司馬詠詩聲

題別遺愛草堂兼呈李十使君

李亦廬山人
常隱白鹿洞

會住爐峰下書堂對藥臺
斬新蘿徑合依舊竹窓開
砌水親開決池荷手自栽
五年方暫至一宿又須回
縱未長歸得猶勝不到來
君家白鹿洞聞道亦生苔

初到郡齋寄錢湖州李蘇州

聊取二郡一晒故有落句之戲

俱來滄海郡半作白頭翁
謾道風煙接何曾笑語同
吏稀秋稅畢客散晚亭空
霽後當樓月潮來滿座風
雲水名興溪殊冷僻茂苑太繁雄
唯此錢塘郡閒忙恰得中

對酒自勉

五十江城守停杯一自思
頭仍未盡白官亦不全卑
榮寵尋過分歡娛已校遲
肺傷雖怕酒心健尚誇詩
夜舞吳娘袖春歌蠻子詞
猶堪三五歲相伴醉花時

早春西湖閒游悵然興懷憶與微之同賞因思在

越官重事殷鏡湖之遊或恐未暇偶成十八韻

寄微之

上馬復呼賓湖邊景氣新
管絃三數事騎從十餘人
立換登山屐行攜漉酒巾
逢花看當妓遇草坐爲茵
西日籠黃柳東風蕩白蘋
小橋裝雁齒輕浪斅魚鱗
画舫牽徐轉銀船酌慢巡
野情遺世累醉態任天真
彼此年將老平生分最親
高天從所願遠地得爲隣
雲樹分三驛煙波限一津
翻嗟寸步隔却厭尺書頻
浙右稱雄鎮山陰委重臣
貴垂長紫綬榮駕大朱輪
出動刀槍隊歸生道路塵
雁驚弓易散鷗怕鼓難馴
百吏瞻相面千夫捧

擁身自然閒興少應負鏡湖春

留題天竺靈隱兩寺

在郡六百日入山十二回宿因月桂落醉為海榴開天竺

嘗有月中桂子落靈隱多海石榴花也黃紙除書到青宮詔命催僧徒多悵望

賓從亦徘徊寺閨煙埋竹林香雨落梅別橋憐白石辭

洞戀青苔石橋在天竺明洞在靈隱漸出松間路猶飛馬上杯誰教冷

泉水送我下山來

洛下寓居

秋館清涼日書因解悶看夜牕幽獨處琴不為人彈遊
宴慵多廢趨朝老漸難禪僧教斷酒道士勸休官渭曲
莊猶在錢塘俸尚殘如能便歸去亦不至饑寒

秋寄微之十二韻

娃館松江北稽城浙水東屈君為長吏伴我作哀翁旌
旆知非遠煙雲望不通忙多對酒榼興少閱詩筒比在杭州兩浙

留和詩贈答于筒中遞往來淡白秋來日疎涼雨後風餘霞數片綺新月

一張弓影滿哀桐樹香凋晚蕙叢饑啼春穀鳥寒怨絡

絲蟲覽鏡頭雖白聽歌耳未聾老愁從此遣醉笑與誰

同清旦方堆案黃昏始退公可憐朝暮景銷在兩衙中

夜歸

逐勝移朝宴留歡放晚衙賓寮多謝客騎從半吳娃到
處銷春景歸時及月華城陰一道直燭焰兩行斜東吹
先催柳南霜不殺花臯橋夜沽酒燈火是誰家

齊雲樓晚望偶題十韻兼呈馮侍御周殷二協律

樓在蘇州

潦倒官僚盡蕭條芳歲闌欲辭南國去重上北城看
復疊江山壯平鋪井邑寬人稠過揚府坊闌半長安
插霧峰頭沒穿霞日脚殘水光紅漾漾樹色綠漫漫
約略留遺愛殷勤念舊歡病拋官職易老別友朋難
九月全無熱西風亦未寒齊雲樓北面半日凭欄干

憶洛中所居

忽憶東都宅春來事宛然雪銷行徑裏水上卧房前
厭綠栽黃竹嫌紅種白蓮醉教鷺送酒閒遣鶴看船
幸是林園主慙為食祿牽宦情薄似紙鄉思急如弦
豈合姑

蘇守歸休更待年

有小白馬乘馭多時奉使東行至稠桑驛溘然而

斃足可驚傷不能忘情題二十韻

能驟復能馳翩翩白馬兒毛寒一團雪鬃薄萬條絲
皂蓋春行日驪駒曉促時雙旌前獨步五馬內偏騎
芳草承蹄葉垂楊拂頂枝跨將迎好客惜不換妖姬
慢鞚遊蕭寺閒驅醉習池睡來乘作夢興發倚成詩
鞭為馴難下鞍緣穩不離北歸還共到東使亦相隨
赭白何曾變元黃豈得知嘶風覺聲急蹋雪恠行遲
昨夜猶芻秣今朝尚繫維卧槽應不起顧主遂長辭
塵滅駸駸迹霜留皎皎姿度關形未改過隙影難追
念倍燕求駿情深項

別離銀收鉤臆帶金卸絡頭羈何處理奇骨誰家覓弊
帷稠桑驛門外吟罷涕雙垂

和微之春日投簡陽明洞天五十韻

青陽行已半白日坐將徂越國強仍大稽城高且孤利
饒鹽煮海名勝水澄湖牛斗天垂象台明地展圖天台四明二山
瓌奇填市井佳麗溢闈闈句踐遺風霸西施舊俗姝船
頭龍夭矯橋脚獸睚眦珍蟊蚶時鮮貴鷓鴣語言
諸夏異衣服一方殊搗練蛾眉婢鳴榔蝸角奴江清敵
伊洛山翠勝荆巫華表雙棲鶴聯檣幾點烏煙波分渡
口雲樹接城隅澗遠松如畫洲平水似鋪綠科秧早稻
紫笋折新蘆暖蹋泥中藕香尋石上蒲雨來萌盡達雷

後蟄全蘇柳眼黃絲類花房絳蠓珠林風新竹折野燒
老桑枯帶鞞長枝蕙錢穿短貫榆暄和生野菜卑溼長
街蕪女浣紗相伴兒烹鯉一呼山魈啼稚子林狝挂山
都產業論蠶蟻孳生計鴨雛泉岩雪飄灑苔壁錦漫糊
堰限舟航路堤通車馬途耶溪岍回合禹廟徑盤紆洞
穴何因鑿星槎誰與剗石凹仙藥白峰峭佛香爐去爲
投金簡來因挈玉壺貴仍招客宿健未要人扶聞望賢
丞相儀形美丈夫前驅駐旌旆偏坐列笙竽刺史旗翻
隼尚書履曳鳧學禪超後有觀妙造虛無髻裏傳僧寶
環中得道樞登樓詩八詠置硯賦三都捧擁羅將綺趨
踏紫與朱廟謨藏稷高兵略貯孫吳令下三軍整風高

四海趨千家得慈母六郡事嚴姑重士過三哺輕財抵
一銖送觥歌宛轉嘲妓笑盧胡佐飲時炮鼈蠲醒數繪
鱸醉鄉雖咫尺樂事亦須臾若不中賢聖何由外智愚
伊予一生志我爾百年軀江上三千里城中十二衢出
多無伴侶歸只是妻孥白首青山約抽身去得無

想東遊五十韻 并序

大和三年春予病免官後憶遊浙右數郡兼思
到越一訪微之故兩浙之間一物已上想皆在
目吟且成篇不能自休盈五百字亦猶孫興公
想天台山而賦之也

海內時無事江南歲有秋生民皆樂業地主盡賢侯郊

靜銷戎馬城高逼斗牛平河七百里沃壤二三州 自常及杭凡七

百里坐有湖山趣行無風浪憂食寧忘解纜寢不廢乘流

泉石諳天竺煙霞識虎丘 天竺虎丘寺領郡時舊遊最熟處 餘芳認蘭澤遺

詠思蘋洲 古詩云蘭澤多芳草又柳惲詩云汀洲採白蘋 菡萏紅塗粉菰蒲綠潑油鱗

差漁戶舍綺錯稻田溝紫洞藏仙窟元泉貯怪湫精神

昂老鶴姿彩媚潛蚪 大謝詩云潛蚪媚幽姿 靜閱天工妙閒窺物狀

幽投竿出比目擲果下獼猴味苦蓮心小漿甜蔗節稠

橘苞從自結藕孔是誰鏤逐日移潮信隨風變棹謳遞

夫交烈火候吏次鳴騶梵塔形疑踊 重元閣 門勢欲浮 吳蘭門

客迎攜酒榼僧待置茶甌小宴閒談笑初筵雅獻酬稍

催朱蠟炬徐動碧牙籌圓盞飛蓮子長裾曳石榴柘枝

隨畫鼓調笑從香球幕颺雲飄檻簾寒月露鉤舞繁紅
袖去歌切翠眉愁絃管寧容歇杯盤未許收良辰宜酌
酌卒歲好優游鰕縷鮮仍細蓴絲滑且柔飽餐爲日計
穩睡是身謀名愧空虛得官知止足休自嫌猶屑屑衆
笑太悠悠物表疎形役人寰足悔尤蛾須遠燈燭兔勿
近罝罟幻世春來夢浮生水上漚百憂中莫入一醉外
何求未死癡王湛無兒老鄧攸蜀琴安膝上周易在牀
頭去去無程客行行不繫舟勞君頻問訊勸我少淹留
自此後並屬微之雲雨多分散關山苦阻修一吟江月別七日
星周昔在杭州別微之微之留詩云明朝又向江頭別月落潮平是去時珠玉傳新什鸚鵡念故儔
懸旌心宛轉束楚意綢繆驛舫粧青雀官槽餗紫騮鏡

湖期遠汎禹穴約真搜預掃題詩壁先開望海樓飲思
親履烏宿憶並衾凋志氣吾衰也風情子在不應須相
見後別作一家遊吾衰子在並出家語

箏

雲髻飄蕭綠花顏旖旎紅雙眸剪秋水十指剝春葱楚
艷爲門閥秦聲是女工甲鳴銀玦璫柱觸玉玲瓏猿苦
啼嫌月鸞嬌語詭風移愁來手底送恨入絃中趙瑟清
相似胡琴鬧不同慢彈迴斷鴈急奏轉飛蓬霜珮鏘還
委冰泉咽復通珠聯千拍碎刀截一聲終倚麗精神定
矜能意態融歇時情不斷休去思無窮燈下青春夜樽
前白首翁且聽應得在老耳未多聾

翫半開花贈皇甫郎中

八年寒食日池東小樓上作

勿訝春來晚無嫌花發遲人憐全盛日我愛半開時紫
蠟粘為帶紅酥點作粧成都新夾纈梁漢碎胭脂樹杪
真珠顆墻頭小女兒淺深粧駁落高下火參差蝶戲爭
香朶鶯啼選穩枝好教郎作伴合共酒相隨醉翫無勝
此狂嘲更讓誰猶殘少年興未是老人詩西日憑輕照
東風莫殺吹明朝應爛熳後夜更離披林下遙相憶樽
前闇有期銜杯嚼蕊思唯我與君知

楊柳枝二十韻

楊柳枝洛下新聲也洛之小妓有善歌之者詞章音韻聽可動人故賦之

小妓攜桃葉新歌蹋柳枝粧成剪燭後醉起拂衫時繡
履嬌行緩花筵笑上遲身輕委迴雪羅薄透凝脂笙引

簧頻煖箏催柱數移樂童翻怨調才子與妍詞便想人
如樹先將髮比絲風條搖兩帶煙葉貼雙眉口動櫻桃
破鬟低翡翠垂枝柔腰嫋娜萋嫩手葳蕤啖鶴晴呼侶
哀猿夜叫兒玉敲音歷歷珠貫字纍纍袖為收聲點釵
因赴節遺重重遍頭別一一拍心知塞北愁攀折江南
苦別離黃遮金谷岍綠映杏園池春惜芳華好秋憐顏
色衰取來歌裏唱勝向笛中吹曲罷那能別情多不自
持纏頭無別物一首斷腸詩

詠老贈夢得

與君俱老也自問老何如眼澁夜先卧頭慵朝未梳有
時扶杖出盡日閉門居懶照新磨鏡休看小字書情於

故人重跡共少年疎惟是閒談興相逢尚有餘

分司洛中多暇數與諸客宴遊醉後狂吟偶成十

韻因招夢得賓客兼呈思闇奇章公

性與時相遠身將世兩忘寄名朝士籍寓興少年場老
豈無談笑貧猶有酒漿隨時求伴侶逐日用風光數數
遊何爽些些病未妨天教榮啟樂人恕接輿狂改業爲
逋客移家住醉鄉不論招夢得兼擬誘奇章要路風波
險權門市井忙世間無可戀不是不思量

閒居自題戲招宿客

水畔竹林邊閒居二十年健常攜酒出病即掩門眠解
綬收朝珮褰裳出野船屏除身外物擺落世間緣報曙

窓何早知秋簟最先微風深樹裏斜日小樓前渠口添

新石籬根寫亂泉欲招同宿客誰解愛潺湲

西亭墻下
泉石有聲

醉中得上都親友書以予停俸多時憂問貧乏偶

乘酒興詠而報之

頭白醉昏昏狂歌秋復春一生耽酒客五度棄官人

蘇州

刺史刑部侍郎河南尹同州
刺史太子少傅皆以病免也

異世陶元亮前生劉伯倫卧將琴

作枕行以鍾隨身歲要衣三對年支穀一困園葵烹佐
飯秋葉掃添薪沒齒甘蔬食搖頭謝縉紳自能拋爵祿
終不惱交親但得杯中滌從生甑上塵煩君問生計憂
醒不憂貧

御定全唐詩錄卷六十三

御定全唐詩錄卷六十三
 詩一首
 其一
 其二
 其三
 其四
 其五
 其六
 其七
 其八
 其九
 其十
 其十一
 其十二
 其十三
 其十四
 其十五
 其十六
 其十七
 其十八
 其十九
 其二十
 其二十一
 其二十二
 其二十三
 其二十四
 其二十五
 其二十六
 其二十七
 其二十八
 其二十九
 其三十
 其三十一
 其三十二
 其三十三
 其三十四
 其三十五
 其三十六
 其三十七
 其三十八
 其三十九
 其四十
 其四十一
 其四十二
 其四十三
 其四十四
 其四十五
 其四十六
 其四十七
 其四十八
 其四十九
 其五十
 其五十一
 其五十二
 其五十三
 其五十四
 其五十五
 其五十六
 其五十七
 其五十八
 其五十九
 其六十
 其六十一
 其六十二
 其六十三
 其六十四
 其六十五
 其六十六
 其六十七
 其六十八
 其六十九
 其七十
 其七十一
 其七十二
 其七十三
 其七十四
 其七十五
 其七十六
 其七十七
 其七十八
 其七十九
 其八十
 其八十一
 其八十二
 其八十三
 其八十四
 其八十五
 其八十六
 其八十七
 其八十八
 其八十九
 其九十
 其九十一
 其九十二
 其九十三
 其九十四
 其九十五
 其九十六
 其九十七
 其九十八
 其九十九
 其一百



